



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

891. 99

P - 68

9565 XVII, M.

ԻՄ ՀԱՅՐԱՍՊԱՆ ԲՆԿԵՐԸ

891 99.3

6-67

ՀՅԱ ԿԵԱՆՔԵՆ ԱՌԵՋՈՒԾ

ԱԿ. ՄԻ ԻՐԱԿԱՆ ՎԵՐ)

ԳՐԵՑ ԱՊԼԱՄՐԻՎ

800  
199-ԱՊ

ՄԱՐՍԵԼ

ՀԱՅՐԵՆ ՏՊԱՐԱՆ Մ. ՓՈՐԹՈՒԳԱԼԵԱՆԻ

Marseille. — Imp. Schickler et Pignateli, r. Vacon, 50

1889

1768  
1768  
1768

Թիւրիսնեան մ.

## ԻՄ ՀԱՅՐԱՍՊԱՆ ԸՆԿԵՐԸ

(Կ. ՊՈԼՍՈՅ ՀԱՅՐԱՍՊԱՆ ԿԵԱՆՔԵՆ ԱՌԱՌՈՒԱԾ  
ՄԻ ԻՐԱԿԱՆ ՎՀՊ)

### Ա

Դեռ մանուկ էի երբ հայրս կարին  
քաղաքէն իւր ընտանեօք և. Պօլիս փո-  
խադրեց իւր բնակութիւնը : Նա բաւա-  
կան հարուստ մի ծխովաճառանոց ունէր  
կարինի մէջ և անակնկալ գիպուտավավ մը  
պարտուց ահագին գումարով սնանկա-  
նուէ յետոյ , ստիպեալ թողուց իւր հայ-  
րենիքը և ազատանեցաւ հօրեղբօրս  
քով որ պանդիսութեամբ Պօլիս կը գըտ-  
նուէր : Մայրս շատ արցունք թափեց ,  
շատ աղաչեց որ չհեռանանք հայրենի-  
քէն . իսկ մեծ մայրս կըսէր իւր որդւոյն .  
Սարգիս , մեծ է Աստուծոյ աշխարհը և  
անբաւ է նրա գթութիւնը . զու կարող  
ևս ընտրել մեր բնակութեան համար մի  
ուրիշ տեղ . եղայրդ Պօլոյ մէջ բաւա-

2345-94

ՀԱՅԱՍՏԱՆ

2345-94

կան հարստութիւն ունի , կերթանք նրա  
մօտ . նա քեզ նման բարի , գթասիրտ և  
առաքինի զաւակ մ'է , նա գութ և սէր  
ունի դէսի իւր ընտանիքը , և մեծ յոյս  
ունիմ որ անխնամ չթողուր զմեզ . ալ  
ասկէց վերջը չես կարող կարինի մէջ ապ-  
րիլ . բոլոր հարստութիւնդ , մինչեւ ան-  
դամ հայրենի տունդ , չարտիտ անձինք  
(Ուուրքեր) յափշառկեցին ձեռքէդ . եթէ  
չէռունանք ասկից , այսուհետեւ պէտք  
է որ մենք ապրինք մուրացկանութեամբ  
միայն . եթէ Աստուած զմեզ թողուց այս  
անտանելի թշուառութեան մէջ , դարձ-  
եալ նա պիտի պարզեւէ մեզ երջանկու-  
թիւն և բարելաւ վիճակ :

Մեծ մօրս յուսասու խօսքերուն հա-  
ւատք ընծայելով հայրս , վերջապէս թո-  
ղուցինք հայրենիքնիս և եկանք Կ. Պօլիս  
1854 թուականին : Հօրելքայրս ալ ծիստ-  
վաճառութիւն կընէր Խւոկիւտար Զին-  
կեանէ . ֆուրունու կոչուած շուկային մէջ .  
նա անմիջապէս մեր ընակութեան համար  
մի տուն գնեց Սէլամիյէ թաղի Ա. Խաչ ե-  
կեղեցոյ փողոցին մէջ . այդ տունը մին-  
չեւ ցայսօր մեր ժառանգութիւնն է :

Անկից յետոյ հայրս միանալով իւր եղբօր  
հետ աւելի ճնշմ ծխավաճառանոց բացին .  
մի քանի տմիս վերջը ուռւսօթ բաքական  
պատերազմին պատճառով շատ յաջող  
գնացին հօրս գործերը , նա բաւական  
գրամ շահեցաւ , մենք ուրախ և երջանիկ  
էինք . բայց աւազ որ այդ երկարատեւ  
պատերազմի հետ վերջացաւ նաև հօրս  
կեանքն ալ :

Մեր այս անբազդութենէ յետոյ , մայրս  
սկսաւ մտածել իւր ապագային վրայ . մի  
քանի տարիներ հօրեղբայրս օգնեց մեզի .  
բայց երբ նա դարձաւ հայրենիք իւր ըն-  
տանեացը մօա , անկից յետոյ մենք դարձ-  
եալ ինկանք աղքատութեան ծուղակին  
մէջ . տան հոգը բոլորովին մնաց մօրս  
վրայ : Հօրս թողած հարստութիւնը մի  
քանի տարի միայն գիմացաւ . մայրս տես-  
նելով որ շատ աղքատութեան մէջ ենք ,  
նա սկսաւ հայ մեծատանց ծառայելով  
սնուցանել զիս և երեք քոյրերս . նա իւր  
աշխատութեամբ կարող էր հայթայթել  
մեզի հաց մը միայն . մեր գլխաւոր սր-  
նունդն էր ձիթագտութ , խաչած լուբիտ .  
շատ անգամ Զատկի օրեր ալ անով կը

կերակրուէինք և երբեմն ալ ցամաք հացով։ Մեր գթասիրա դրացիները տաղաւարի օրեր կօգնէին անկեալ ընտանիքի մը . մին պատրաստուած համեղ կերակուրներ կը զրկէր , ուրիշ մը բրինձ , իւզ , հաւկիթ . ուրիշ մ'ալ դրամական օգնութիւններ անելով կուրախացնէր մեր անրազդ գերդաստանը . յետոյ մեծ մայրս այդ աղքատասէր ընտանեաց տուները երթալով իւր չնորհակալութիւնները կը յայտնէր , օրհնելով զանոնք : Խնչպէս որ ըսի , մայրս շատ աշխատաւոր կին մ'էր . տմեն օր արշալոյսը դեռ չծագած նոր կերթար հարուստ ընտանեաց տուները ձերմակեղին լոււալու . և երբ երեկոյին տուն կը գտուար , խեղճը գիշերն ալ հանգստութիւն չուներ որ գոնէ իւր ըսպառուած ուժը կազդարելու համար հանգստանար . նա տուանց ձանձրանալու կը կատարէր տնային բոլոր գործերը , մեր հնամաշ զգեստները կը կարկաէր : Էանը մատակարարը մեծ քայրս էր . մայրս իւր օրուան աշխատութեան արդիւնքը քըսջո կուտար որ հետեւեալ տուաւօտուն չուշայ երթալով պէտք եղած բաները գնէ :

Սշնան մօտելը կ'սկսէինք դառն աղքատութեամբ տանջուիլ , ձմեռները աւելի թշուառ էինք . արդէն այդ եղանակը աղքատներու անդութ թշնամին է , աղքատներու մարմինը տանջող գործիք մ'է . երկու հօխա ածուիս գնելով ամբողջ օրը և գիշերը անով կանցունէինք և դարձեալ սաստիկ ցրտէ կը դողայինք : Մայրս չկարենալով վեց հոգւոյ օրապահիկը հայթայթել , սախպուեցաւ մեծ քոյրս ալ ծառայութեան տալ հարուստ հայ ընտանիքի մը , և այդ ալ խիստ չնչին վարձատրութեամբ , երկու մէջիտ տմսականով . անշուշտ այդ գումարն ալ օգուտ մ'էր մեզ համար : Երբ գարունը կըհասնէր , ալ մենք ուրախ և զուարթ էինք . երկարատեւ ձմեռուան մէջ տանջուող ձնձղուկներու նման գուրս կելնէինք և արեւու ճառագայթները կը տաքցնէին մեր նիշար մարմինները : Ամառուան մէջ իմ աշխատութիւնս մեծ էր . մեր թաղի մէջ ուր որ նոր չէնք մը կը շինուէր , ևս ձեռքս կթոց մ'առած կերթայի փայտի կտորներ հաւաքելու . մեր ձերմակեղինները լուալու համար այդ վառելիքով

ջուրը կը տաքցնէր մայրս և մաս մ'ալ  
ձմեռուան փայտերնիս ապահովուած կը  
լինէինք . անշուշտ այս ալ մեծ օդուտ  
մ'էր մեզի :

Բ

Հազիւ տասներկու տարեկան էի , Բուն  
Բարեկենդանի երկուշաբթին , այսինքն  
Մեծ Պահոց առաջին օրը , մայրս զիս տա-  
րաւ Նոր Թաղի Ազգային Ճեմորանը ու-  
սում առնելու համար : Նա վարժապե-  
տին յանձնած ժամանակի ըստաւ անոր . —  
Պատուելի՛ , ահա քեզի կը յանձնեմ իմ  
որբ զաւակու , տակից յետոյ դու պիտի  
լինիս նրա հայրը , մայրը և պաշտպանը .  
միոր քեզի , ոսկորը ինծի :

Մօրս այս խորհրդաւոր խօսքերէն ես  
ոչ մի բան չկրցայ հասկնալ . Պատուելին  
խոստացաւ որ պիտի աշխատի իմ կըր-  
թութեանը համար : Մայրս զիս խրատեց  
որ Պատուելիի խօսքերուն ունկնդիր լի-  
նիմ . և յետոյ դաստիուիս գթութիւնը  
գրաւելու համար մի քանի արցունք թա-  
փեց ու հեռացաւ , թողլով զիս այդ կա-  
ռափնարանի մէջ : Թշուառ մօրս այդ

արցունքները շատ գէշ տպաւորութիւն  
ունեցան իմ սրախի վրայ ալ , ես ալ սկսայ  
արցունք թափել և «մայրի՛կ , մայրի՛կ»  
աղաղակել նրա ետեւէն : Պատուելին ըս-  
տառնացաւ ինձ և հրաման տուաւ որ  
աշակերտաց կարգը նստիմ : Ես տեսնե-  
լով որ անկարելի է նորա ձեռքէն աղա-  
տիլ , վասնզի կտառուն առիւծին ճանկերուն  
մէջ էր , հնազանդեցայ և ծալապատիկ  
նստայ տախտակամածին վրայ : Մէկ ժամ  
վերջը պատուելին օրհնեալ քերականը  
տուաւ ձեռքս և սկսաւ աղաղակել բարձ-  
րաձայն Այր , բէ՛ն , գի՛մ . ես ալ անոր  
պէս սկսայ արտասանել : Նոյն օրը յաջող  
գնացի դասիս մէջ . ես սորված էի Քե-  
րականի առաջին , երկրորդ և երրորդ տա-  
ռերը : Օրէ օր ես վարժուեցայ և ամեն  
օր կը շարունակէի վարժարանը երթալ .  
մի քանի ամսոյ մէջ ծաղկոցի յատկաց-  
եալ գրաւելը այսինքն քերականը աւար-  
տեցի . յետոյ Պատուելին զիս դրաւ Նա-  
խակրթարանի սրահը . նա այդ կարգի ալ  
դասսատուութիւն կընէր : Այնուհետեւ  
ես բարեկամացայ նրա հետ :

Այս ուսուցիչը Ակնցի էր Աքրահամ

անուն, հազիւ քառասուն տարին լրացուցած, երկայնահասակ, մեծ հայկական քթով. նա մօրուսաւոր էր բայց այտերն և ծնօտի ներքեւն ածխուած թուրք ոօֆտաներու և կամ քուրդ Եէզիտներու նըման. գլուխը կը դնէր մի Փէս որ բոլորափը իւղուած և խակական գոյնը բոլորպին կորսնցուցած էր, ըստ որում երկու երկայն և փառաւոր ականջներն ամբողջապէս ծածկուած. էին այդ լուսահոգի Փէսի ներքեւ. նա կը հագնէր մի երկայն ձիւպայ: և կարճ բանթալօն. նրա զգէն կախուած էր կաշեայ գրպան մը. այդպիսի գրպաններ կը կրեն Քառթամպօցի Թուրքերը որուն մէջ կը պարունակի «Քէլամը Քատիմ» անուն գիրքը մեր ուսուցիչն ալ զատ գրպան մը չունենալուն համար, այդ կաշեայ գրպանի մէջ կը դնէր նամակներ, հաշուեցուցակներ և լ. վերջապէս եթէ նա ներկայանար թատրոնի տեսչի մը, անմիջապէս գոհացուցիչ ամսականաւ մը կրնար ընդունուիլ ապուչի գեր կատարելու համար: Հատքարկացող մէկն էր. որ մը գասիս մէջ անյաջող լինելու համար զիս երկու ան-

գամ երգել տուաւ Փալախայի ներքեւ. այդ անիծեալ և միանդամայն օրհնեալ Փալախան վարժարանի մը աշակերտաց հոգին և մարմինը մաշեցնող մի գործիք է. բայց սա ալ պէտք է գիտնալ որ չընչին յանցանքի մը համար կարժանանայինք Փալախայով պատժուելու: Ամենէն սոսկալի պատիմ մ'ալ կար մեր ձեմարանի մէջ. երբ ծանր յանցանք ունենար աշակերտ մը, անմիջապէս նրա երկու ափերուն մէջ ժամերով բռնել կուտար ծանր Յայսմաւուրքը. եթէ յանցաւոր տղան մարմային կազմով նիկար էր, երկու ոտքի վրայ կը կանգնեցնէր զնոտ, Յայսմաւուրքը գլխէն վեր բռնել տալով. իսկ եթէ ուժեղ էր տղան, վայ անոր, այն ատեն պէտք էր որ նա հնդկահաւի նման մէկ ոտքի վրայ կենար ժամերով, ունենալով գարձեալ Յայսմաւուրքը տիերուն մէջ:

Ամառուան սաստիկ օդի ջերմութենէն, ուսուցիչ Աբրահամը գլուխը երկու ձեռացը մէջ առած և գրասեղանին կրթնած կը քնանար: Օր մը երբ խոր քունի մէջ էր, մի քանի անտառակ աշակերտաց հետ

միանալով՝ Պատուելիի Ֆեսի բիւրքիւէն  
մի քանի թել քաշեցի և եկայ նստայ տեղու.  
նոյն ատեն ընկերներս ճանձ կորսային,  
ես ալ մէկ կողմէն այդ թելերը ճանձերու  
ոտքերուն կապելով թող կուտայի; Պատ-  
ուելին կարթննայ և իւր գրասեղանի վը-  
րայ կը տեսնէ ճանձերու խումբ մը որոնց  
ոտքերը շղթայտապէին իւր Ֆեսի բիւր-  
քիւի թելերովն. նո անմիջապէս ոտքի  
ելու և նախակըթարանի աշակերտները  
կարդաւ պատժեց փայտի հարուածներով:  
Այդ պատիժ կըկոչուէր սըրա ֆալախափ:

Անցան մի քանի տարիներ. ես գտայ  
ինձ մի հաւատարիմ ընկեր, Գէորգ ա-  
նուն. այդ պատանին շատ կը սիրէր զիս  
և ես ալ փոխադարձաբար զանի. Երկուք-  
նիս ալ միեւնոյն հասակը ունէինք. Երբ  
վարժարանի ցերեկուան ճաշու զանդակը  
կը հնչէր, նո անմիջապէս սեղանատուն  
իջնելով իմ և իւր ծրարը կը բանար. ես  
յետոյ կիջնէի և կը տեսնէի որ ամեն բան  
պատրաստուած է, և այսպէս միատեղ  
կը ճաշէինք: Երեկոյին վարժարանի ար-  
ձակումէն վերջը, Կենէինք միատեղ ըր-  
ջագայութեան. մենք ընտրած էինք մե-

զի զրօսավայր Պաղլար-Պաշիի Հայոց գե-  
րեզմանատունը. գատառգրքերնիս առնե-  
լով անդ գերեզմանաքարի մը վրայ նստած  
կը կարդայինք: Ա Աստուածածնայ շա-  
րաթ օրն էր. մենք գարձեալ ելանք մեր  
սովորական պատյառը ընելու. տեսանք որ  
խուռն բազմութիւն մը նուագարաննե-  
րով ճանբայ ելած էին Ալէմտաղի ուխ-  
տի երթալու. մենք ալ այդ բազմութեան  
ետեւ էն երթալով մինչեւ Գըսըթւը գա-  
ցինք: Գէորգ ինք առաջարկեց որ մենք  
ալ միանանք այդ խմբի հետ և երթանք  
մինչեւ Ալէմտաղի. արդէն ես պատրաստ  
էի և Գէորգի այդ առաջարկութեան կը  
սպասէի: Երբ սկսանք յառաջանալ դէպի  
ուխտառեղին, ես կանգ տախ և ըսի ըն-  
կերոջս. Եղբայր, առանց մեր ծնողաց հը-  
րամանին ի՞նչաէս կրնանք հեռանալ: —  
Ատի գիւրին է, ըսաւ Գէորգ. այս խմբի  
հետեւող մեր փողոցի տղաներ շատ կան  
որոնք այժմ պիտի վերադառնան. կըսէնք  
անոնց որ երթան լուր տան մեր ծնողաց:  
— Լաւ, պատասխանեցի ես և այնպէս  
ըրինք:

Ալէմտաղի իւսկիւտարէ 4-Յ ժամ հե-

ռաւորութիւն ունի , եթէ ոտքով երթայ մարդ . իսկ կառքով  $2\frac{1}{2}$  ժամ կը տեւէ . այս գիւղ կը գտնուի իւսկիւտարի արեւելեան հիւսիսային կողմը և 50±60 տուն բնակիչ ունի , բոլորն ալ Հայ . ունին նաև մի հոյակապ եկեղեցի Ս. Նշան անուամբ , որուն տօնախմբութիւնը կը կատարուի Ս. Աստուածածնայ օրը . Պօլոյ ամեն կողմերէն և մերձակայ գիւղերէն Հայեր ընտանեօք ուխտագնացութիւն կանեն . բացի այս տաղաւարէ , մայիս ամսոյ բակիզը հայ մեծ ատունք օդափոխութեան երթարով ամբողջ մայիսը անդ կանցունեն :

Այժմ գտառնանք մեր ճամբարդութեան վրայ տեղեկութիւն տալ ընթերցողաց : Մենք ուխտաւորաց բազմութեան ետեւէն ճանապարհ ընկանք , երեք ժամ անընդհատ հետիօտն ճամբարդելով վերջ խըմբովին հասանք չուտուրլու անուն թրքարնակ գիւղը . բազմութիւնն այնտեղ մէկ հոգնութիւն առնելու մոտեիր էր : Դժբաղդարար , նոյն օրուան արեգակը կայրէր և երկինքը կրակ կը թափէր . մենք երկու անփորձ պատանիներս արիւն քըր-

տինքի մէջ մնացած , այսպէս նոտաղեալ գացինք ընկուզենիի մը շուքին տակ նըստանք . Գէորգ մի քանի վայրկեան վերջը օձի նման սովալով մօտեցաւ ինձ և ըստաւ . — Եզրայը , ես անկարող եմ այլ եւս քալել : — Ինչո՞ւ , հարցուցի ես զարմանօք : Նա բացաւ ոտքերը , ողբալով ինձ ցոյց տուաւ . տեսայ որ ոտիցը կաշին կարմիր գոյն առած և ուռեցած էր , կարծես թէ եռացեալ ջրով խաչած էր : Բնկերոջս այս գժրազգութիւնը տեսնելով սրտիս ցառէն չկրցաց ինքզինքս զապել ու սկսայ ես ալ դառնագին լալ : Այնտեղ գտնուող մի հայ սրճարանապետ որուն անունն էր Ասֆէքսի Սարգիս , մօտենալով մեղ հարցուց թէ ինչո՞ւ կուլանք . ես հեծ կլասալով պատմեցի եղելութիւնը . նա հեռացաւ մեր քովին և երկու վայրկեան վերջը բերաւ փոքրիկ շիշ մը որ լի էր ձիթափւզով . առաւ Գէորգի ոտքերը իւր ձեռացը մէջ և սկսաւ ձիթափւզով շինել ուռեցած մոսը . յետոյ պատուիրեց որ առնուազն երկու ժամ հանգիստ նոտի : Ըստ պատուէրի Ասֆէքսի Սարգիսին , երկու ժամի չափ

մենք կեցանք այդ ընկուղենոյ հովան-  
այն ներքեւ : Բազմութիւնը արդէն մեկ-  
նած էր Տուտուրլուէ : Երեկոյին արե-  
ւը մարը մտնելու կը պատրաստուէր, ես  
մօտենալով Գէորգի ըսի . — Բարեկամ,  
ոտքի եւ տեսնենք, կարող ես ճանբայ  
քալելու : — Զեմ յուսար, պատասխանեց  
նա : — Փորձէ՛ անգամ մը, դարձեալ  
կրկնեցի ես հարցում : Կա ելաւ կանգ-  
նեցաւ ոտքի վրայ և մի քանի քայլ եր-  
թառվ՝ դալով պատասխանեց. Եւ ոչ մի  
ցաւ չեմ զգար : — 0'ն ուրեմն ճանբայ  
ելնե՞նք . ճիշդ երկու ժամ եւս ունինք  
մինչեւ Ալեմուղի հասնելու, ըսի ես :

Երբ երեկոյեան արեգակի դողդոջուն  
ճառագայթները մի քանի բոսէ եւս փայ-  
ցին մօտակայ լերանց գագաթին վրայ  
և ապա մարող կեսնքի վերջին նշոյլնե-  
րու նման իսկոյն մարեցան, նոյն ատեն  
մենք մտանք Ալեմուղիի ընդարձակ  
անտառը . գիշերային մթութիւնը սկսաւ  
հետզետէ թանձրանալ, ընդհանուր լը-  
ռութիւն մը կը տիրէր ամենուրեք, ան-  
տառային նեղ ճանապարհի վրայ ոչ մի  
ճամբորդ չհանդիպեցաւ մեղ որ գոնէ

նրա ընկերանալով երթայինք . մենք ահ  
ու գողով առանց աղմիկ այդ լուսթեան  
մէջն կը շարունակէինք ճանբանիս . մեր  
բաղդէն նայն գիշերը լուսինն ալ չէր ե-  
րեւեր որ առաջնորդէր երկու թշուառա-  
կան և մոլորեալ պատանեաց . բաւական  
ճամբայ քալեցինք, գեռ ոչ գիւղի ճագ-  
ները կերեւէին և ոչ ալ մի շան ձայնը կը  
լսէինք . ես հասկցայ որ մենք ուղիղ ճա-  
նապարհը կորուսած էինք . բարձր ճառի  
մը ներքեւ նատանք . որոշեցի գիշերը  
անտառին մէջ անցունել, բայց Գէ որդի  
միտքը չէի գիտեր :

— Կատ ուշ մնացինք, յարեց ընկերա :  
— Այո՛, կէս գիշերը անցած է, պատաս-  
խանեցի ես ցած ձայնով : — Արդեօք գեռ  
շատ ճանապարհ ունինք երթալու, երկ-  
րորդ անգամ հարցուց Գէորգ : — Եթէ  
այս ճամկէ չեղինք, մինչեւ առաւօտ  
սիտի քալենք և առանց գտնելու ուղիղ  
ճանապարհը պիտի կորսուինք բոլորովին  
և վայրենի անասնոց կերակուր սիտի լի-  
նինք .

Իմ այս խօսքերուս վերայ նա ամբողջ  
մարմնով դողաց . իսկ նրա գէմքը ինչ

գոյն ստացել էր, ատի չեմ կարող նկարագրել վասն զի գիշերուան թանձր խառարի մէջ չէինք կարող իրարու դէմք տեսնելու :

—Ուրեմն ի՞նչ անել պէտք է, ըստ նա :

—Պէտք է գիշերը հոս անցունենք, վաղ առաւօտ արշալյսի ծագման ատեն ձամբայ կենենք :

Գէորգ ընդունեց իմ առաջարկը ու մտանք անտառին մէջ գիշերը անցունելու :

## Փ

Հետեւեալ առաւօտաւն լոյսը նոր էր րացուել, դեռ նոր կը լսուէին թուչնոց քաղցր և ուրախ արշալուսեան մեղեդիներն, մենք ճամբայ ելանք, գարձեալ նոյն անտառային նեղ ճամբով։ Հազիւ կէս ժամ եղած էր մեր ճամբայ ելնելը, մեղ դիմաւորեց մի հայ գիւղացի։ Նա զարմանքով հարցաց մեղ թէ ո՞ւր կեր թանք և ուսկի՞ց կուգանք։ Պատմեցինք ամեն փորձանքները որ գլուխնիս եկած էին, անձանօթ գիւղացին շարունակելով իր խօսքը ըստ ։ Այս ճանբան զնեղ վա-

րի գիւղը կը տանի։ Մենք աղաչեցինք որ առաջնորդէ մեղ դէպի ու զիղ ճամբան։ Նա ընդունեց մեր այս աղաչանքը և մէկ ժամէն հասանք Ալէմտազի։ Առաւօտեան քաղցր զեփիւոք կըծաւալէր փափուկ հոգվասուն թարմութեամբ. երիտասարդ հայ գեղջկուհիք տօնական հագուստով զարդարուած կանգնած էին իւրեանց դրան չէմքի վրայ և գաղտուկ կը նայէին ուխտաւոր երիտասարդներուն. ամբողջ գիւղին մէջ անպատճելի ուրախութիւն մը կը տիրէր. բազմութիւնը հետզհետէ կարգաւ կը մեկնէին Ա. Կշան եկեղեցին. մենք ալ երկու ընկեր հետեւացանք նոցա։ Ա. Պատարագի արարողութեան վերջանալին յետոյ ուխտաւորները խուսն բազմութեամբ ճամբայ ելան գէպի արեւելեան կողմը։ մենք կարծեցինք որ պիտի վերադառնան մի այլ ճամբով և դարձեալ հետեւեցանք նոցա։ Գիւղէն ելնելով երկու վայրկեանն մտանք ահագին անտառ մը որ զարդարուած էր շագանակի բարձր ծառերով։ կէս ժամէն հասանք թաշ-Ցէլն կոչուած գրօսավայրը, անդ կիսուկոր-

ծան փոքրիկ չենք մը կար բարակ ծառէի հիւսուած որ սրճարանի տեղ կը գործածուէր . այդ չենքի դէմը խոր փոսի մը մէջ կար քարաշէն աղբիւր մը , որմէ կը բղնէր քաղցրահամ և զով ջուր . այդ ջուրը շատ անուանի է և կը գովեն Պօլսեցիք որ «Թաշ-Տէլին սույու» կը կոչուի . Պօլսոյ մէջ ամեն մարդ կը փախաքի այդ ջուրէն խմել , բայց անոր նուազութեան համար չեն կարող գտնել . Ուխտաւորները այդ աղբիւրի շուրջը խումբ խումբ կարդու նստան փսխաթի կտորներու վըրայ . նուազարանները քաղցրածայն կերգէին . իւրաքանչիւր խումբ սկսաւ Բագոսի արարողութիւնն կատարել ամենայն ջերմեռանդութեամբ : Աղբիւրին վրայ փոքրիկ գագաթի մը գլուխը հարուստ և ազնուական ընտանիք մը նըստած էր . մենք ալ քիչ մը հեռի բազմութիւնը կը դիտէինք . այդ հարուստ ընտանեաց տիկինը տեսնելով երկու անտէր պատանիներ , կանչեց մեզ և համան ըրաւ որ նստինք . մենք ալ նստանք ծառի մը կոճղին վրայ : Բարեգութ տիկինը իւր ծառային հրամայեց որ կերակուր տրուի

մեզ . մի քանի վայրկեան վերջը ծառան երեւցաւ որ պղնձեայ փայլուն մատուցարանի մը վրայ կերպ կերպ կերակուրներ դրուած բերաւ մեր առջեւ . մենք ալ թափառական ցիկաններու նման անքալաքավարութեամբ կերանք , աւելցած մասն ալ մեր թաշկինակներու մէջ ծրարելով ոտքի ելանք և ի նշան մեր շնորհակալութեան գլուխնիս խոնարհութեամբ շարժեցինք ու հեռացանք :

Սրդէն տեղեկացած էինք որ բազմութիւնը մի քանի օր եւս անդ պիտի կենացին , իսկ մենք երկու ընկերներս էիսօր ժամանակ ճամբայ ելանք տուն վերադառնալու . մեզ այնպէս կը թուէր որ տարիներով պանդխտութիւն ըրած էինք : Ճամբուն վրայ տեսանք բազմաթիւ կառքեր , որոնք ածուխ կը փոխադրէին իւսկիւտար ծախելու համար . արդէն իւսկիւտարի շըջակայ դիւղացիներն մեծ մասսամբ այդ արհեստով կը զբաղին : Մենք երբեմն այդ կառքերու ետեւը կը հեծնէինք և երբեմն ալ ոտքով կը քալէինք . քանի կը մօտենայինք մեր հայրենիքին , այնչափ սրտերնիս ահուդողի մէջ կլյնար ,

վասն զի առանց մեր ծնողացը հրամանին  
հեռացած էինք :

Օրուան արեւը արդէն մտած էր իւր  
օթեւանը , բայց հորիզոնը գեռ կը վառ-  
ուէր սակեղին բոցերով . երբ հասանք  
Պաղլար պաշիի գերեզմանատունը , Գէորգ  
բաժնուեցաւ ինձնէ , ես գացի մեր տա-  
նը չէ մքին վրայ նստայ , չի կրցայ ներս  
մտնելու համարձակութիւնն ունենաւ  
վասն զի յանցաւոր էի . սրտիս տագնա-  
պն սկսայ դառնագին լաւ . մայրս լսելով  
իմ ձայնը , դուռը բացաւ ու քաղցրու-  
թեամբ ներս առաւ զիս . իմ դուռնէն  
ներս մտնելը և դուռը մեքենաբար գոց-  
ուիլը մէկ եղաւ . նա բոնեց ականջչու և  
սկսաւ իւր լայն ճեռքերով ասլտակել  
զիս . ես անդադար արցունք թափելով  
կաղաչի որ չզարնէ ու բարձրաձայն կա-  
ղաղակէի « մեղա՛յ , մայրի՛կ , մէկ մ'ոլ  
չեմ ըներ » : Քոյրերս վրայ հասնելով  
ա-  
զատեցին զիս ու տարին իրենց սենեակը :  
Գիշերը անցուցի մեծ անհանդատութեամբ .  
հետեւեալ տռաւօտուն անձայն լոիկ մըն-  
չիկ դուրս ելայ և գացի վարժարան և  
Մտնելով դասարանի որահը տեսայ որ Գէ-

որդ պատժոյ ենթարկուած էր . երկու  
վայրկեան յետոյ ես ալ ափերուս մէջ կը  
կրէի Յայսմաւուրբը : Երեք օր շարունակ  
պատուելի Սբրահամը այս տաժանելի  
պատժոյ տակ չարչարեց զմել անգթա-  
բար . այդ երեքօրեայ պատիժը այնպէս  
ահաբեկեց մեզ որ ալ այն օրէն ուկտե-  
ցինք անխոչեմութեամբ չվարուիլ մեր  
ծնողաց և դաստիարակին հետ :

## Դ

1870 թուականն էր :

Բժշկագետ Ատեփան փաշա Արսլան-  
եանի բարերարութեամբ Նոր թաղի ձե-  
մարանի աղքատիկ աշակերտներէն երկու  
հոգի , ես և իմ անբաժանելի ընկերս (Գէ-  
որգը) , Տէրութեան Բժշկական վարժա-  
րանը զրկուեցանք : Վարժարանի տեսու-  
չը որոշում տուաւ որ Գէորգը բժշկու-  
թիւն ուսանի , իսկ ես վիրաբուժութիւն .  
մենք այն օրէն եղանք զինւոր , վասն զի  
այդ վարժարանի ներքին և գիշերօթիկ  
եղած էինք . մեր հագուստը , ուտելիքը  
և ամէն մեծ ու փոքր ծախքերը Տէրու-  
թեան գանձէն կը վճարուէին . այս կեր-

սլով մենք զինւորական դասուն կը վերաբերէինք : Օրէնքը այնպէս կը պահանջէի որ երբ այդ վարժարանէն մի անձ ուսումը աւարտելով դուրս ելնէ , երեսուն տարի Օսմանեան բանակներու մէջ պաշտօն վարէ . և երբ այդ երեսուն տարին լրանայ , հանգստեան թոշակ (թաքավիտ այլըզ) կը արուի իրեն :

Նաբաթն մի անգամ ուրբաթ օրերը ուսանողաց հրաման կուտային իրենց տունը երթալու , կիւրակէ երեկոյին դարձեալ վարժարան դառնալու պայմանաւ : Մէնք ամեն ատեն ճշդութեամբ կը կատարէինք անոնց պատուէրները և երբէք մեր պարտականութիւններուն զանցառութիւն չէինք աներ : Անցած էր 5 տարի մեր վարժարան մտնելէն ի վեր . 1874ին ես վիրաբուժական արհեստիս շրջանը աւարտեցի ու անմիջապէս ինձ տուին երկրորդ գնդի չորրորդ բանակի վիրաբուժութեան պաշտօնը : Այն թուականին չորրորդ բանակը կը գտնուէր ի Ռակուզա (Մօնթէնէկրօ) վասն զի Օսմանեան բանակները անդ հաւաքուած էին Տէրվիչ փաշայի ընդհանուր հրամանատա-

րութեան տակ և կը պատրաստուէին յարձակիլ մեծ զօրութեամբ Յէթինայի(1) վրայ : Ես անմիջապէս ճամբայ ելայ և . Պօլսէն պատերազմնկան նախարարի հըրամանաւ դէպի Մօնթէնէկրօ պաշտօնատեզս . երբ հասայ այնտեղ , տեսայ որ ամեն կողմերէ Օսմանեան բանակներ և Ալպանիացի կամաւոր զինւորներ (որոնք Պաշը պօզուք կը կոչուին ) , թուով 50 հազարի մօտ , հաւաքուած էին Ռակուզայի ընդարձակ դաշտը և ամենայն արագութեամբ պատրաստութիւններ կը տեսնէին այդ փոքրիկ և աղքատ երկիրը հիմնայատակ կործանելու և քրիստոնեայ բնակիչները որէ անցունելու համար :

Նոյն թուականի նոյեմբեր 20ին տուաւոտեան արշալցու դեռ չի ծագած , ճանապարհի պատրաստութեան համար ամեն կողմէ սկսան փողերը հնչել , ամենայն աճապարանօք հազարաւոր վրան-

---

(1) Յէթինա՝ Մօնթէնէկրօյի մայրաքաղաքն է . այժմ ունի 10,000 բնակիչ . իսկ այն թուականին բնակչաց թիւն էր 4-5 հազար :

ներ մէկ վայրկենի մէջ վար առնելով ջորիներու վրայ կը բեռցունէին : Անվեհեր զօրաց դէմքը սուրախութեամբ կը խայտար , իսկ երկչոտ զինւորաց դէմքը կը նմանէր սառն մարմարիոնի . ես ալ այդ վերջիններու կը պատկանէի :

Կէս օրուան երկու ժամ մնացած , այդ րազմութիւնը սկսաւ յառաջ ընթանալ դէպի պատերազմի դաշտը . երեկոյին հասանք ծէշթրիցա անուն գիւղը : ծէշթրիցա ընդարձակ մի գիւղ է որուն բնակիչները ուլու են և յետին աստիճան աղքատ . այդ երկրի բնակիչներն ալ հայատանցւոց նման պանդխութեան կը դիմեն և գառն աշխատանքով դրամ շահելով կը վերադառնան հայրենիք : Նոյն գիշերը հօն անցունելու սրոշում տրուեցաւ :

Բարբարոս Ալպանիացիները ծէշթրիցաի ողորմելի քրիստոնեայ բնակչաց վրայ յարձակելով սկսան կողոպտել անոնց հարատութիւնը : Արդէն երկու բան մահմէտականներու քաջութիւնը կը գրգռէ և սիրտ կուտայ անոնց թշնամւոյն հետ կուուելու համար . մէկը աւարառութեան

ցանկութիւնը , միւսը կրօնական մոլեւանդութիւնը . այս երկու բանի համար ոչ մահուանէ կը վախանն և ո՛չ կրակէ : Հպատակ գիւղացւոց վրայ յարձակումն սկսաւ խիստ սրտաշարժ կերպով . անխիղճ սլաշը սօզուք ալպանիացիք աղքատիկ խրձիթները խուզարկելով 13 տարեկանէն վեր մինչեւ անգամ 50 տարեկան կանանց պատիւը սկսան բռնարարել փողոցներու մէջ առանց ամօթահարելու : Մօնթէնէկրօցի կինն ալ քաջ է իւր այրին պէս . երբ այդ խեղճ արարածները անձնատուր չըլլալով դէմ կը դնէին անոնց և չէին հնազանդիր անոնց կամքի , անգութ և վայրենի ալպանիացիներն իրենց եարականը պատեանէն դուրս առնելով անմիջապէս կը խողխողին զանոնք : Մի քանի քայլ անդին ուրիշ սրբուառու տեսարան մը կը ներկայանար . անոնց հրամանատարն ալ հեռուէն բարձր գագաթի մը վրայ իւր սրին կոթնած կը դիմէր զանոնք և չէր արդդիելր . անշուշտնա զուարձութիւն մը կը զգար . Ահա այսպիսի բարբարոսութիւններ աչքերով տեսած եմ :

Ընթերցողը թող չզարմանայ և թող  
անհաւատալի չթուին իրեն մեր այս նկա-  
րագրութիւնները . Օսմանեան պետութիւ-  
նը երբ քրիստոնեայ ազգի մը դէմ պա-  
տերազմ հրատարակէ , նա կը յարձակի  
նախ և առաջ իր քրիստոնեայ հպատա-  
կաց վրայ , տւարի կուտայ անոնց հարս-  
տութիւնը , կայրէ ու մոխիր կը դարձնէ  
անոնց խրձիթները , կը քանդէ եկեղեցի-  
ները ու կը սրբազդէ , կաթընկեր երե-  
խայն իւր մօրը գրկէն կը յափշտակէ , օ-  
րօրոցին մէջ քնացող անմեղ մանուկը  
քաշկուտելով դուրս կը հանէ ու իր ան-  
խնայ սրովը մի քանի կտոր ընելով կը  
նետէ անոր արիւնլուայ դիակը շանց  
առջեւ , ըսելով թէ ասոնք ալ կեալուր են  
և թէ պէտք է ջնջել քրիստոնէից սե-  
րունդը աշխարհիս վրայէն որ Օսմանի  
որդիները տիրեն ամբողջ աշխարհին :  
Արդեօ՞ք Արարիչը չէ սիրած քրիստոն-  
եայները որ զանոնք հալածելու համար  
ստեղծած է այս անգութ և վայրենի ազ-  
գը որուն բարբարոսութեանց զոհ լինին  
ամեն անդամ . արդեօ՞ք Արարիչը ստեղ-  
ծած է թուրքը իրեւ լոյս և քրիստոն-

եայք իբրեւ խստար որակէս զի հալածէ  
լոյսն զխաւարը ... : Ո՛չ , ո՛չ , այդպէս չէ  
կարելի վճռել . վասն զի ով որ աչք ունի ,  
կը տեսնէ թէ Քրիստոսի սուրբ կրօնքը  
լոյսն է , իսկ Մուհամէտի պիղծ կրօնքը  
խստար միայն կարտադրէ . և ահա անոր  
համար է որ թէեւ երբեմն լոյսին խս-  
տարը կուգայ յաջորդել , բայց լոյսը ան-  
պակաս է միշտ կենդանի աշխարհի  
վրայէն և վերջնական յաղթութիւնը  
չյսինն է : Լոյսն է որ կենդանութիւն  
կը պարգեւէ աշխարհին :

Նոյեմբեր 21ին ծէշթրիցա գիւղը բո-  
լորովին աւերակ դառնալէ յետոյ , ժողո-  
վրդեան մէկ մասը անտառը փախած էին  
կեանքերնին աղատելու համար . Օսման-  
եան բանակները թողով այդ դիրքը յա-  
ռաջացան դէպի Ըշթէնէկ-  
րօցիք ոյնտեղ իրենց բարձր և նպաստա-  
ւոր պատերազմական դիրքերը բւնած  
էին արդէն , երբ թշնամիք մօտեցան  
այդ հռչակաւոր հերոսներուն : Նոքա  
անմիջապէս սկսան բարձր ժայռերու վը-  
րայէն հրացանի հարուածներ արձակել  
Օսմանեան բանակներուն . պատե-

բազմը սաստկացաւ . Մօնթէնէ կրօցիք՝  
Թուրքերը առանց իրենց մօտեցնելու  
մեծ կոսորած մը տուին խարեբայ մար-  
դարէի ժողովրւ եան . պատերազմը տե-  
ւեց մինչեւ արեւու մարը մտնելը .  
Տէրվիշ փաշա չկարողացաւ դիմագրել ա-  
նոնց . երեկոյին աեղեկացայ որ օսման-  
եան զօրքերէն 260 հոգի մեռեալ և 455  
հոգի վիրաւորեալ կայ : Դիշերը ան-  
ցուցինք դարձեալ ժէշթրիցա գիւղի  
աւերակաց մէջ :

Հետեւեալ օրն ընդհանուր հրամանա-  
տարը իւր օգնական փաշաներն իւր մօտ  
հաւաքեց և խորհրդակցութեամբ որոշում  
տուին որ նոյեմբեր 24ին մեծ զօրու-  
թեամբ յարձակում ընեն Ըշթրուքի անց-  
քէն անցնելու համար որպէս զի կարող  
լինին Յիթինան գրաւել : Թուրք զինուոր-  
ները սաստիկ վրէժինդրութեամբ լցո-  
ւուած էին Մօնթէնէ կրօցւոց դէմ . իւրա-  
քանչիւր բանակի մէջ կը տիրէին ազմուկ  
և հայհոյանք թշնամուոյն դէմ , զինուորք  
պատրաստութիւն կը տեսնէին , մին հը-  
րացանը կը մաքրէր , միւսը գնդակներու  
ժանդերը կիւզատէր : Այսպէս կարգաւ

կաշխատէին ամեն մարդ և ահա եկաւ  
նոյեմբերի 24րդ օրն . առաւօտեան ար-  
շալոյալ դեռ չէր ծագած , Թրքաց թշն-  
դանօթները սկսան ոմբակոծել թշնամ-  
ւոյն դիրքերը : Մօնթէնէ կրօցիները չը  
պատասխանեցին . այնպէս ձեւացուցին  
որ փախուստ տուած են իրենք : Թրքաց  
զօրարանակները սկսան յառաջանալ :

Ընթերցողացս գաղափար մը տալու  
համար այդ անցքի վրայ , պարտք կը հա-  
մարիմ նկարագրել աստ : Ըշթրուք կոչ-  
ուած տեղը մի նեղ ճանապարհի անցք  
է որուն լայնութիւնն է 2  $\frac{1}{2}$  մէթր և  
երկայնութիւնը կը տեւէ 4 ժամ . ճանա-  
պարհի երկու կողմի բարձրութիւնն է 200  
մէթր . կարծես բնութիւնը ստեղծած է  
այդ դիրքը պատերազմող անզօր ազգի մը  
համար . վարէն մինչեւ վեր սրածայր աւ-  
պառաժներով զարդարեալ է . եթէ մարդ  
զլուխը դէմի երկինք վերցնէ , կը սոս-  
կայ : Այդ բնական բարձրաբերձ ազա-  
ռաժներու գագաթթթլ Մօնթէնէ կրօցիք շին-  
ծու ծառեր անկած էին որոնց մէջ փոք-  
րիկ լեռնային թնդանօթներ զետեղուած  
էին : Երբ Տէրվիշ փաշայի բանակները ամ-

բողջապէս ներս մտան Ըշթրուքի անցքէն,  
այն ատեն Մօնթէնէկրօցիք ոկսան թըն-  
դանօթի ոռումքեր արձակել և տպառա-  
ժի ահագին կտորներ գլորել գէպի վար  
Օսմաննեան զօրաց վրայ . այս վերջին գոր-  
ծողութիւնը կատարողները կանայք էին  
որոնց ամուսինները զէնքով կը պատե-  
րազմէին : Ընթերցողը թող երեւակայէ  
անդամ մը թէ այդ նեղ անցքի մէջ ինչ  
սարսափելի տեսարան մը կը ներկայանար.  
Գիտի գիտակի վրայ , վիրաւորեալը վիրա-  
ւորելոց վրայ , մին օգնութիւն կալազա-  
կէր «Եա՛ Մուհամմէտ» կոչելով , միւս մը  
մահուան վիճակի մէջ կը մրմնար «Եա՛  
Ալլահ իւ Ալլահ» : Ահա այսպէս առաւօ-  
տէն մինչեւ կէսօր տեւեց պատերազմը .  
Տէրվիշ փաշա չկրնալով գիմանալ սախպ-  
ուեցաւ ետ քաշուիլ Յ հազարի չափ մեռ-  
եալ և 4 հազարէն աւելի վիրաւորեալ  
թողլով . այդ վիրաւորելոց մին ալ ես էի :  
Հետեւ եալ օրը բոլոր վիրաւորեալները  
փոխադրեցին Մասթարի հիւանդանոց :

Տէրվիշ փաշա խոստացած էր Սուլթան  
Ազիզի որ եթէ զինքը ընդհանուր զօրաց  
հրամանատար կարգէ , կրնայ ամբող Մօն-

թէնէկրօցոց երկիրը գրաւել : Սուլթա-  
նը ընդունելով իւր առաջարկը ուղար-  
կած էր զինք . բայց երբ այնչափ զինուոր  
կոտորեց և չկրցաւ յաջողիլ , առիպուե-  
ցաւ հրաժարիլ այդ պաշտօնէ և մեկնիլ  
Կ . Պօլիս , ճերմակ երեսով ... ուխտելով  
որ մէկ մ'ալ այդ երկրի անունը չտայ իր  
կենաց մէջ , վասն զի կերած էր այդ քա-  
ջերու բարառան : Ահա այսպէս վերջա-  
ցաւ Թրքաց այդ վերջին պատերազմը  
Մօնթէնէկրօյի հետ : Իսկ ես չորս ամիս  
Մասթարի աւստրիական հիւանդանոցի  
մէջ մնացի անոք և անմիսիթար , մին-  
չեւ որ վէրքերս դարձանուեցան :

## Ե

Այժմ դառնանք մեր հայրասպան ըն-  
կերի կեանքը նկարագրել : 1878 թուա-  
կանին իմ բարեկամ Գէորգի մայրը մե-  
ռաւ : Գէորգի փոքրիկ եղբայրը և երեք  
քոյրերը թշուառութեան ենթարկուած  
էին և այդ թշուառութեան պատճառն  
ալ անոնց հայրն էր : Այս անձը վատա-  
հոգի սրիկայ մ'էր . նա իւր կնոջ հիւան-  
դութեան օրերը կը թողուր զնա ան-

պաշտպան և ինքզինքը արբեցողութեան տալով անպատիւ կանանց հետ կը զուարձանար. երբ մահամերձ կինը կը աեսնէր այս անվայել եղելութիւնները, կը զգուշացնէր զնա և կը խրատէր. որ հեռի կենայ այնպիսի անբարոյականութենէ. բայց նա փայտ մը առնելով ձեռքը կատաղաբար կը յարձակէր խեղճ կնոջ վրայ և անդթօրէն կըհարուածէր դիակ դարձած կինը. Այս անձը սափրիչ Խաչիկ կը կոչուէր. Նրա բնակավայրն էր Խոմկիւտար Վանքի Այգի կոչուած արուարձանը. հազիւ 38-40 տարեկան, նիհար և սեւադէմ մէկն էր. իւր աչացը մէջ կը տեսնուէին արեան բարակ բիծեր որ նշան մ'էին իւր արբեցողութեան. Պէտք չէ զարմանալ Խաչիկի վայրենի բնութեան վրայ, վասն զի կըսէին թէ Նրա հայրն ալ ժամանակաւ մի ոճրագործ է եղեր, անոր համար հոս կը բերեմ այն հայկական առածը թէ «Օձէն ձուկ չծնիր, ոչ ալ գայլէն գառն». հայրը մարդասպան մ'էր, իսկ որդին որիկայ: Այս ընտանեաց մէջ ժամանակաւ կը թագաւորէր մշտական սէր և երջանկութիւն, բայց այժմ լացն ու կոծը,

Հառաջանք և արտասուքն եղան իրենց բաժին. հիւանդ կինը չդիմանալով իւր ամուսնոյն բարբարոսութեանը, իր կեանքը վերջացուց : Կնոջ մահուանէն յետոյ աւելի սարսափելի կերպով սկսաւ ընտանեկան կուիւը. հայրը սկսաւ ծեծի տակ հոգին հանել իւր հարազատ զաւակներուն : Գէորգ ապստամբեցաւ իւր անբարյական հօրը գէմ և արդէն արդարութիւնն այնպիս կը պահանջէր :

Խաչիկ իր կնոջը մահուանէն երեք օր վերջը հեռացաւ տունէն թողլով իւր որբ զաւակներն. նոյն արուարձանի մէջ նամի անպատիւ կին կը սիրէր. գիշեր ցերեկ չէր բաժնուէր անկէ. որբերը ամացի տան մէջ փակուած անօթի և անխնամ անդադար արցունք կը թափէին: Պէտք բժշկական վարժարանի ներքին աշակերտ ըլլալուն պատճառաւ շաբաթը մի անգամ հրաման ունէր տուն երթալու: Ուրբաթօր մը Պէտք տուն երթալով իր եղբարցը մօտ, ականատես եղաւ իւր վայրենի հօր գործած բարբարոսութեան, լսեց բոլոր եղելութիւնը և յետոյ դիմեց իւր տա-

ներէց քահանային , Նոր Թաղի Թաղական խորհրդոյն և ամենէն վերջը Անմահն Ներսէո Պատրիարքին . սպասեց մի քանի շարթներ , բայց հայրը զգաստանալու փոխարէն աւելի եւս կը սաստկացնէր բարբարոսութիւնը . ոչ տաներէցը , ոչ Թաղական խորհուրդը և ոչ ալ Պատրիարքը կարող եղան Խաչիկը ուղղութեան բերել . ամեն երեկոյ ծեծ ու կոծը կը տիրէին տան մէջ : Գէորդ տեսնելով այս ամեն անյաջողութիւնները , վճռեց բարբարոս հօր մը դէմ բարբարոս որդի լինել . այլ եւս կատաղութեան կրակը վասուեցաւ Գէորդի մուայլ աչացը մէջ : Աւերջապէս օր մը Խաչիկ այն անպատիւ կնոջ ձեռքին բոնելով բերաւ տուն և իր տան երէցը կոչելով ուզեց պսակուիլ . բայց երէցը մերժեց նրա առաջարկութիւնը , և ահա Խաչիկ աւելի սաստկացուց իր վայրադութիւնը և աններելի ոճիրները . նա տունէն դուրս վանեց իր զաւակները որոնց ամենէն մեծն 14 տարեկան աղջիկ մ'էր :

Սյն խորամանկ պոռնիկ կինը հասկըցաւ թէ օր մը Խաչիկ իր սիրոյն զո՞ն պի-

տի լինի . ուստի անոր տան դրան չէմքէն ներս ոտք դրած օրէն սկսաւ առաջարկել որ այդ չէնքը օրինաւոր կերպով իր վրայ դարձնէ . իսկ եթէ իւր այս առաջարկութիւնը չընդունի , անկարելի է որ իրեն կին դառնայ , այլ այն օրէն կը թողու զինքը ու կը հեռանայ : Խաչիկ կը սիրէր այդ բաղդախնդիր կինը և կըցանկար անոր համելի ըլլալ . ուստի համաձայնեցաւ իւր ունեցած ամբողջ հարսաւութիւնը Ե . . . ի վրայ դարձնելու , այն հարսաւութիւնը որ չորս որբերու ժառանգութիւնն էր : Այս լուրը կայծակի նման Գէորդի ականջը հասաւ . նա վճռեց որ սպաննէ իւր անիրաւ հայրը և ըստ ինքնիրեն . Պէտք է մեր արդար իրաւանց պաշտպանութեան համար օր մ'առաջ մեռնիմ իբրեւ մարդ , քան թէ օր մը վերջ վատութեամբ միեւնոյն վախճանն ունենամ . այն տունը որ պառնիկ մը տալ կուզէ հայրս , մեր ժառանգութիւնն է . եթէ անտարբեր մնամ , պիտի թոցնենք զայն մեր ձեռքէ և քոյրերս պիտի մնան փողցներու մէջ իբրեւ մուրացկան , անտէր և անպաշտպան . իմ

կեանքն պիտի կորսնցունեմ, խուարըանտերու մէջ պիտի վերջացնեմ երիտասարդութիւնս և տառլ պիտի ազատեմ զանոնք իրենց տաժանական կեանքէ. աշխարհային կեանքի վայելչութենէ պիտի զրկուիմ ես, ապագային երջանկութիւնս պիտի կորսնցնեմ, բայց հոգ չէ. հայրս կուզէ իմ քայրերս գերի ընել այն սոսոնկի, հայրս կուզէ իրեն կին առնուլ զնս որ իւր զաւակաց հոգին ու մարմինը մաշեցնէ. բնական է որ խորթ մայրերը միշտ ատելութեամբ կը վարուին որբերու հետ, կը հալածեն միշտ. գայլն ու գառը միասին չեն կարող ապրիլ. ա՛հ, մենք որ այժմ որբ ենք և միանդամայն անբազդ, իցի՛ թէ այնպիսի հրէշի մը որդի լինելու անունը չժառանդէինք. ինչ որ նախապէս վճռեցի, պէտք է որ կատարուի. թող լսէ բոլը աշխարհ թէ անօրէն հայր մը իւր պատիժը պիտի ընդունի իր հարազատ զաւակէն:

Այսպէս ահա Գէորգի դատողութեան և զգացմանց մէջ մաքառումը մկան էր. բայց նա իր որոշման վըրայ կեցած էր, իսկ հայրը չէր գիտեր

և չէր յուսար որ իր որդւոյն վճիռը անդառնալի է: Այս վայրկենին Գէորգ ամեն ինչ մոռացած էր, հարստութիւն, կեանք, ապագայ, ուսում և գիտութիւն, որոնք մոռէն անդամ չէր անցուներ. նա բոլորովին փոխուած կերպարանք մ'առած էր, նորա դէմքի վրայ նկարուած կերեւէին կատաղի վրդովմունք. ճակատը կնճռուած էր և կրակոտ աչաց բիբերը վայրենի կերպով կը շարժէին իւր թայնքերու տակին: Բաւական չէր որ այն չափ արտասուք կը թափէր, պիտի թափէր նաեւ արիւն, և ահա այն ատեն պիտի վերջանար այդ երկարակութիւնը:

## Զ

Օձի մահը երբ գայ, ճամբու վրայ կը պառկի, կըսէ առածը:

Կիրակի օր մ'էր: Գէորգ տուն կուգայ և կը տեսնէ որ իւր վախճանեալ մօր սնտուկները տակնուվրայ ըրած էր այդ անպատիւ կինը. նա չգտաւ իւր վոքրիկ քայրերը և եղբայրը իւր հայրենի տան մէջ. նոքա արտաքսուած էին և կը թափառէին փողոցներու մէջ: Երբ Գէորգ

տեսաւ այս աղետալի տեսարանը , կեցաւ  
վայրկեան մը լուռ և տխուր կերպարան-  
քով . այս լուռթեան յաջորդեցին նրա  
դէմքի վրայ պայծառ արտասուաց կա-  
թիլներ . նա հասկցաւ ամեն բան . այն  
վայրկեանին հայրը բացակայ էր տունէն ,  
միայն անպատիւ կինը ներկայ էր , որ  
պատուհանին մօտ նստած փողացէն անց-  
նողները կը դիսէր : Գէորգ առանց բառ  
մ'ուզլելու Ե...ին , գուրս ելաւ և գնաց  
մօրաքրոջը տաւնը . տեսաւ որ քոյրերը և  
եղբայրը այնտեղ էին . նոքա հեծկլտալով  
պատմեցին իրենց հօրը բռնաւորութիւնը  
և վայրենութիւնը , եկան պաշարեցին  
Գէորգը և սկսան արտասուք թափել :

Այդ ողորմելի և անմեղ արարածոց մին  
կըսէր . Գէորգ , Եղբայրի'կս , եթէ հայրս  
անգութ է , կաղաչեմ գու գոնէ գթա  
մեզ ; Երկրորդը կըսկաղատէր ըսելով . Դու  
ես մեր պաշտպանը : Երբորդը կըսէր .

Անգութ հայրս մազերէս բռնելով գուրս  
նետեց զիս : Իսկ ամենէն փոքրիկը սրտա-  
ձմիկ ձայնով կը ճվար . Անօթի՛ եմ , հաց  
կուղեմ . և Գէորգի ոտքերուն կը պլուէր :

Գէորգ երբ տեսաւ այս ողբալի կացու-

թիւնը , իր բարկացայտ , երկնագոյն աչ-  
քերը սկսան վասուիլ տենդային կրակով .  
ամբողջ մարմնով սկսաւ գողալ նա և իր  
դէմքի վրայ նշմարուեցաւ մի անսովոր  
անհանգստութիւն . կը գողդային նաեւ  
ծնկուըները . մէկ խօսքով այդ տեսարանը  
շատ գէշ տպաւորութիւն ըրաւ իր սրտին  
վրայ . ա'լ չկրցաւ զսպել ինքզինքը և եր-  
կու ձեռքով բռնեց աչքերը որոցմէ ար-  
տասուքը չերմ հոսանքով սկսան իջնել  
երեսն ի վար : Մի քանի բռպէ խոր լուռ ,  
թիւն տիրեց իրենց մէջ . յետոյ Մաք-  
րուհի բռնելով իր եղբօր ձեռքը , ըսաւ .  
Ա.հ , եթէ այսօր չկարենանք համոզել մեր  
հայրը , վաղ առաւօտ ամեն բան պիտի  
լինաց : Ի՞նչ պիտի կարենայ ընել .  
դուք անհոգ եղիք , պատասխանեց Գէորգ :

—Ա.հ , հաւատա՛ , եղբայր իմ , վալը հայրա  
պիտի երթայ կալուածական պաշտօնա-  
տունը ու մեր արդար ժառանգութիւնը  
այդ կնոջ վրայ պիտի դարձնէ օրինաւոր  
կերպով . մենք այնուհետեւ պիտի մնանք  
փողոցներու մէջ և թշուառ պիտի լինինք :

Գէորգ իր քրոջ խօսքերը լսելէ յետոյ ,  
մի ողորմելի հայեացք ձգեց անոնց

վրայ և լսաւ. Մեր այս արդար դատաստանը վաղը պիտի տեսնուի ու դուք երեկոյին ամենքը ալ այդ տանը մէջ պիտի լինիք. պէտք է որ համբերութեամբ ըստասենք մեր ճակատագրի վախճանին. դուք պէտք է փարատաէք այդ կասկածը թէ ուրիշները պիտի յափշտակեն մեր ժառանգութիւնը. անհոգ եղիք. առայժմ մնաք բարեաւ, դարձեալ կը տեսնուինք, յարեց Գէորգ և հեռացաւ :

Նոյն օրը Նոր թաղի Թաղական խորհուրդը Խաչիկի տան երէցին հետ գնացին մոլորեալին մօտ, համոզելու համար որ իւր անիրու դիտաւորութենէ ետ կենայ. բայց նա կատաղութեամբ կընդդիմախօսէր անոնց ըսելով. Իմ հարստութեանս պատասխանատուն ես եմ միայն. ոչ ոք իրաւունք ունի միջամտելու այս գործին. ես օրինաւոր կերպով ինձ ամուսին պիտի առնեմ Ե...ը և վագ առաւօտ ըստ օրինի իմ բոլոր հարստութեանս կանոնաւորապէս նու միայն տէր պիտի դառնայ. անկարելի է որ զիս համոզէք. Քահանան տեսնելով որ Խաչիկը պոռնիկ կնոջ մը սիրոյն գերի եղած է, «արիւն ձեր ի գլուխ

ձեր» ըսին և գնացին Գէորգին պատմեցին եղած խօսակցութիւնը :

Գէորգ դարձեալ մնաց խոր մուածութեանց մէջ. յետոյ գնաց Խաչիկի մօտ, վերջին անգամ խրատելու համար զնա: Խաչիկ տանը պարտիզին մէջ գործով կը զբաղէր. Գէորգ մօտենալով հօրը, խմաց առւաւ որ կուզէ վերջին տեսութիւն մը ընել: Խաչիկ խրոխտալի դէմքով մը հարցուց թէ ի՞նչ բանի համար կուզէ տեսակցի: Եւ ահա Գէորգ բացաւ բերանը և սկսաւ խօսիլ. Ո՞վ հայր, թէպէտեւ հայր կոչուելու արժանի չես, բայց վերջին անգամ այս անունը տալով, իսորհուրդը կուտամքեղ որ եթէ ամօթալի գործերդ չի թողուս, վիճակդ շատ գէշ պիտի լինի: Խաչիկ լսելով իր որդւոյն նախատալի և միանդամայն բարսցալի խօսքերը, կատաղութեամբ հրամայեց որ դուրս ելնէ տունին և ուրիշ անգամ չըներկայանայ: Գէորգ աւելի կատկեցաւ և դարձեալ սկսաւ խօսիլ. Այսպէս ուրեմն բոլորովին կուրանա՞ս քաւ հարագատ զաւակները մի պունկի սիրոյն համար. ամօթ և նախատինք քեզ. թող այն օրը

սե՛ւ լինէր երբ դու աշխարհ եկար . թող  
քո մայրը փոխարէն քեզի մի կտոր քար  
ծնած լինէր և ոչ թէ քեզի նման պատիժ  
ու պատուհաս . անզգայ և վայրենի կեն-  
դանիներն անդամ կը գդուեն և կը պաշտ-  
պանեն իրենց ձագերը , իսկ դու այդ ա-  
նասնց չափ ալ զգացում և սէր չունիս  
գէպի զաւակներդ . կատազի հրէշի մը  
նման կը յարձակիս որդւոցդ վրայ և կը  
յօշոտես զանոնք . խեղճ մօրս մահուանը  
պատճառ գո՛ւ եղար , արիւնարբու դահ-  
ճի մը նման գիշեր ցերեկ վայտի և եր-  
կաթի հարուածներով հալածեցիր , որ-  
պէս զի խոչընդոտ չլինի քու ամօթալի  
գործերուդ . վերջապէս յաջողեցար սպան-  
նել զնա ու այնպէս զովացուցիր քու դը-  
ժոխային սիրտ . ա՛լ ասկից յետոյ ազատ  
ես ամեն կերպ անդթութիւններ գործե-  
լու . եթէ մենք քու պատճառովդ զըր-  
կուեցանք մեր սիրելի մօրմէ , պէտք է  
նաեւ զրկուինք մեր չարասիրտ և եղեռ-  
նագործ հօրմէ ալ որուն կենդանութիւ-  
նը ասկից յետոյ միշտ վեսակար պիտի  
լինի մեզ . զու նախատինք կը բերես մե-  
զի քան թէ պատիւ . որչափ որ դու կեն-

դանի լինիս , մեր աչացը արտասուքը եր-  
թէք չպիտի ցամքի , միշտ պիտի արտաս-  
ուենք , միշտ պիտի մաշուինք ու տան-  
ջուինք . դու որ սարսափելի մի յանցա-  
ւոր ես , պէտք է որ պատժուիս :

Ամիրաւ հայրը լրեց իւր որդւոյն ազ-  
դու խօսքերուն . նրա ամբողջ մարմնոյ  
մէջ անցաւ մի ցուրտ սարսուռ և րոպէ-  
ական լրութենէ յետոյ ըսաւ . Դու ինձ  
կանիծե՞ս , Գէո՛րգ . կանիծե՞ս հայրդ որ  
քու կենացդ պատճառ եղաւ : — Այո՛,  
ուրիշ խօսքերու արժանի չես դու . նա  
որ իւր կնոջը մահուան պատճառ կը լինի ,  
նա որ կը թողու իր հարազատ զաւակ-  
ները անպատիւ կնոջ մը սիրոյն համար ,  
նա որ իւր ընտանեացը անունը և պա-  
տիւ կարատէ , նա որ իր զաւակացը ար-  
դար ժառանգութիւնը օտարներու կը  
պարզեւէ , արժանի է միայն անէծքի ,  
արժանի է նաեւ մահուան . կանիծեն քեզ  
զաւակներդ որ քու պատճառովդ որբ  
մնացին , անոնք ալ զքեզ անիծելու իրա-  
ւունք ունին վասն զի գիշերային խա-  
ւարի մէջ հեծող բռերու նման փողոցէ  
փողոց և տունէ տուն կը թափառին ու-

տելու հաց մուրալու համար. գիտցիր որ  
քու մեռնելէ գերջն ալ անէծքի արժա-  
նի պիտի վինիս. չար մարդու մը չար գոր-  
ծերը քանի յիշուին, գրեթէ ամեն ան-  
դամ կը հայ հոյեն անոր գերեզմանին վրայ.  
ահա այս վերջին անգամն է որ քու ան-  
բարզականացած տանդ մէջ կը տեսնես  
զիս վասն զի այլ եւս ատելութիւնը,  
կիրքը, անբարոյականութիւնը և պոռնիի  
մը պիզծ սէրը ցնորեալ վիճակի մէջ ձը-  
դած են զքեզ. այդ կինը դրախտի օձին  
նման մոլորեցուց զքեզ, իր թունալից ա-  
րիւնովը պատուաստեց քու ակար մար-  
մինդ. եթէ այժմ չզզաս և չզդասատա-  
նաս, անդառնալի է քու կորուստ և ոչ  
ոք պիտի գթայ քեզ: Գէորգի այս խոս-  
քերն լուսվ մոլորեալի գէմքին վրայ ե-  
րեւաց ոչ թէ մարդկային այլ դիւական  
մի ժպիտ. վայրկեան մը լուս կեցաւ նա  
և ապա արհամարհական սառնութեամբ  
պատասխանեց իւր որդւոյն. Գէորգ,  
անկարելի է որ այս որոշումն փոխեմ. ե-  
թէ իմ հարստութիւնն ձեր արդար ժա-  
ռանդութիւնն է, որքմն կարող ես ինձ  
գէմ գատ բանալ և իրաւունքդ պաշտ-

պանել: Գէորգի մուայլ գէմքի վրայէն  
անցաւ մի դառն ժպիտ և ապա շարու-  
նակեց. Այս՝ պիտի յաղթեմ քեզ. իմ  
մօրս և նորա որբ զաւակացը վրէժը պի-  
տի առնեմ քեզնէ, բայց ոչ թէ դատի կո-  
չելով գրեզ, այլ Աստուծոյ ինձ նուիրած  
այս երկու բազուկներովն: Այս ըսելով  
Գէորգ հեռացաւ հօրմն և վոլոցի դու-  
ռը ուժգին զարնելով փակեց: Հայրը իւր-  
ըսկամալի գիմօք նայեցաւ որդւոյն ետե-  
ւէն և դարձեալ շարունակեց իր աշխա-  
տութիւնը:

Գէորգ այն օրը անցայտ եղած էր,  
նա պատրաստութիւն կը տեսնէր վրէժ-  
լուծելու իր դաւաճան հօրմն. ոչ ոք  
գիտէր թէ ինչ հետեւանք պիտի ունե-  
նար այս գործը. գիշերը նա չդարձաւ  
իր եղբարցը մօտ. նա գնաց իր բարեկա-  
մաց միոյն հիւր եղաւ: Խեղձ երիտասար-  
դը սրտի տագնապէն բերանը հացի վրշ-  
րանք մ'անգամ չդրաւ, գիշերը անցաւ ց  
զառամեալ վիճակի մէջ. միտքը շրջա-  
պատեալ էր երեւակայութիւններով, ար-  
խուր մուայլը պատած էր նրա գէմքը.  
մերթ ընդ մերթ որտապատռ հառաջ-

ներ կելնէին բերնէն . նա անկողնոյ մէջ  
ուրոււկանի մը նման նստած կանիծէր  
իր բարսով , մտաբերելով իւր անցեալի  
ուրախութիւնները և երջանկութիւնները .  
իսկ ներկայի անակնկալ դառն և տիտուր  
վիճակը կը տանջէր նրա սիրտը . ամբողջ  
գիշերը սարսափելի յուզմամբ և զառան-  
ցութեամբ անցուց . վերջապէս հոգեսալու-  
ինկաւ մահճին վրայ նուազեալ վիճակի  
մէջ : Գէորգ կընիրհէր դառն հառաչանք-  
ներով :

## Ե

Հետեւեալ աղետալի օրն էր 1882 յու-  
լիսի 21 :

Գէորգ յանկարծ վեր թռաւ անկող-  
նէն , կարծելով թէ ժամանակը ուշ է . բայց  
գեռ գիշերուան խաւարը կը տիրէր . հա-  
զիւ թէ մի քանի վայրկենէն յետոյ ա-  
րեւելեան երկնքի վրայ կը նշմարուէին  
լուսարացի պայծառ նշոյները : Գէորգ  
աճապարանօք փողոց ելաւ և գնաց մի  
ուրիշ բարեկամի տունը . անդ փոխեց իւր  
վարժարանի զինւորական զգեստները .  
փոխանակ այդ վայելուչ և փայլուն ըզ-

գեստներու , նա կը հագնի ցնցոտիներ .  
գլուխը կը դնէ մի հնամաշ գլխարկ ի-  
տալական ձեւով , ձեռքը կառնու կօշիկ  
ներկողի տուփ մը և անմիջապէս կիշնէ  
իւսկիւտարի նաւամատոյցը . այդ գոր-  
ծիքները նա պատրաստած էր մի քանի  
օր առաջ : Նաւամատոյցին վրայ կը գըտ-  
նուի բարձր շէնք մը որ արձարան է . Գէ-  
որդ այդ սրճատունը ելնելով պատուհա-  
նէն կը դիտէ : Ըստ արեւելեան հաշուի՝  
ժամը երեքն էր երբ Խաչիկ իւր բազդա-  
խնդիր սիրուհւոյն հետ երեւցաւ հե-  
ռուէն . Գէորգ անմիջապէս կը նետուի  
շոգենաւը որպէս զի հայրը զինքը տես-  
նելով ձերբակալել չտայ . քիչ մը վերջը նո-  
քա ալ կը մտնեն շոգենաւ . այդ շոգենա-  
ւը Շիրքէթի Խայրիէի 24 թիւն էր : Կէս  
ժամ վերջը շոգենաւը Պօլսոյ կամուրջին  
կը մօտենայ . նախ և առաջ մեր կարծեց-  
եալ կօշիկ ներկողը դուրս կը նետուի , ա-  
ռանց մարդու մը երես նայելու կը յա-  
ռաջանայ գէպի Պօլսոյ կողմը և այնտեղ  
ծովային բաղնիքի պահակատան մէջ կը  
սպասէ անոնց : Մի քանի վայրկենէն  
Խաչիկ անպատիւ կնոջ հետ շոգենաւէն

ելնելով ուրախութեամբ կերթային կալ-  
ուածական պաշտօնատեղին , ուր որբե-  
րու ժառանգութեանը տէր պիտի լինէր  
այդ խաբեբայ կինը : Հազիւ մօտեցած  
էին Պէօյիւքտէրէի նաւամասոյցին քով ,  
Գէորգ բազմութեան մէջէն ելնելով . իր  
հօրը դիմաւորեց . Խաչիկ ձանաշեց իր  
որդին և տեսնելով զանի այլակերպ և  
փոխուած կերպարանքով , հասկցաւ որ  
իւր գլուխը մեծ փորձանք մը պիտի գոյ  
նայն վայրկենին ոկոսն ծնկուըները դո-  
ղալ և անկարող եղաւ քոյլ մ'առաջ եր-  
թալու . կուզէր բառ մ'արտասանել , բայց  
կարծես թէ նոյն ժամայն նրա լեզուն  
բռնուած էր . նա որպէս կաթուածահար  
մարդ անիմանալի կերպով կը հեկեկար  
Նոյն վայրկենին դաւաճան հօր և անմեղ  
որդու մէջ կը տիրէր մի տեսակ բռնա-  
դատեալ լուութիւն . երկուքն ալ կը ցան-  
կային խօսիլ , բայց կը դժուարանային թէ  
ինչ խօսին . թէեւ այդ վերջին վայր-  
կենին շատ բան ունին միմեանց առե-  
լու , բայց անկարելի եղած էր : Մինչ  
հայր և որդի սոյն հոգետանջ լսութեան  
մէջ էին , Խաչիկ ինքզինքին դալով կու-

զէր խոյս տալ Գէորգէն որպէս մուկը  
կատուէ . ցնորեալը հասկցած էր որ իւր  
վերջին վայրկեանը հասած է և անդառ-  
նալի կերպիւ վճռուած է որ իւր կեանք  
վերջանայ , նա դողդոջուն ձայնով մի քա-  
նի բառ կարող եղաւ արտասանել իւր  
որդւոյն . այդ վերջին խօսքերի մէջ լըս-  
ուեցաւ հայրական սրտի դառն կսկիծը  
իւր բոլոր հրաբորքոք վշտերով . նա դեռ  
կը սիրէր իր որդին , նա դեռ կը խնայէր  
որդւոյն . այդ զարհուրելի վայրկենին  
նա պատրաստ էր ամեն ինչ տալ , նրա  
ամեն առաջարկութիւնները ընդունիլ .  
մէկ խօսքով զղալ և մեղայ գոչէլ , միայն  
թէ առանց արեան կարողանար հաշտուիլ  
իւր որդւոյն հետ : Գէորգ զգաց իւր  
սրտին մէջ իւր հօրը բազմանքը , զգաց  
նաեւ նրա զղումը , բայց վերջապէս Խա-  
չիկի մահուան անդառնալի վճիռը տուած  
էր նա . Գէորգ կատաղարար երկու  
քայլ ետ քաջուեցաւ ու պատախա-  
նեց իր հօրը . Ոչ , ո՛չ , վերջին զղումը  
անօդուած է , անմեղ մօրս վրէժինդիր  
ուրուականը զիս քունիս մէջ հանդիսաւ չը

թողուր, նա կը բողոքէ ինձի գէմ որ իւր արդար վրէ ժը առնեմ քեզնէ : Այս ըսելով Գէորգ մի քայլ եւս ետ զնաց, մեքենաբար աջ կողմի գրանէն դուրս առաւ բէ վօլվէրը և ուղղելով իւր հօր կուրծքին կրակեց. գնտակը կայծակի նըման մտաւ նրա սիրտը . նա խպառ արինաքամ եղաւ, թուլացաւ, դողաց և ընկաւ հառաչելով .

— Հայրասպա՛ն . . . Նրա այս խօսքին յաշորդեց յուսաքեկ սրտի և հոգեկան մաքառման դառն լսութիւնը . . . և այսպէս վերջացաւ հօր և որդւոյ կոփւը :

Այս գործողութենէն վերջը Գէորգ ներկարարի տուփը ցած թողլով և ձեռքերը խաչաձեւ փակելով իւր կուրծքի վրայ, անշարժ մարմարեայ արձանի պէս անվեհէր կանդնած մի քանի րոպէ լուռ կը նայէր արեան մէջ թաւալող հօրը վըրայ . յետոյ սրբեց աչացը արտօորը ու հեռացաւ . խելափարի նման չէր դիտեր գէպի ո՞ր կողմէրթալ : Սա կէտը զարմանալի է որ այս եղելութեան միջոցին այն. չափ բազմութենէն . ոչ ոք տեսաւ ոճրա. գործին ո՞վ ըլլալը : Նոյն ատեն մի խումբ

սստիկաններ վրաց հասնելով ձերբակալեցին մի ուրիշ անձ. հայրասպանը տեսնելով հեռուէն այդ մխալ ձերբակալութիւնը, նա վատութիւն սեպեց իրեն փախչիլ և կոմ ուրանալ, անմիջապէս եկաւ ստիկանապետին և ըստ . Ես եմ մարդասպանը, բանեցէ՛ք զիս և տարէք կտոռավինարան : Խսկյն ձերբակալեցին Գէորգը . իսկ անգութ ստիկանք անձնատուր եղող յանցաւոր մը-իրենց հրացանակօթերու հարուածներով կը տանէին գէպի գատապարտութեան օթեւանը : Մէկ ժամ վերջը Պօլսոյ կեդրոնական բանտի մահապարտներու յատկացեալ ամենախօր քարեղին սենեկի միոյն մէջ դըրուած էր Գէորգ, ձեռքերը և սոքերը մուր ըլթաններով կաշկանդուած :

Խաչիկի դիսկը Պօլսոյ քաղաքապետական բժիշկը քննելի յետոյ փոխագրեցին Պալըլույի գերեզմանատունը և յանձնեցին իւր մօրը . . . Նրա բարեկամները և ազգականները երբ իմացան եղելութիւնը, ո՞չ ողորմիս կուտային և ո՞չ ալ կը հայհայէին, միայն սապէս կըսէին . «Խաչիկ շատ լաւ մարդ էր, Աստուծոյ ո-

զորմութիւնը թող նապաստակի նման  
նրա գերեզմանի վրայէն թոշի» . Գալով  
Ե . . . ի , նա արդէն անհետացած էր Խա-  
չիկի սպաննուած վայրկենին . կառավա-  
րութիւնը սկսաւ միտուել զնա . երկար  
ատեն չտեսնուեցաւ նա . բայց մի քանի  
ամիս վերջը նորէն երեւան ելաւ . այս ան-  
դամ իւր բնակութիւնը հաստատած էր  
Բերա Ելնիշէհիրի բոզանոցներու միոյն  
մէջ . անբազդը ... դարձեալ իւր նախկին  
արհեստը ձեռք առած էր . իսկ Գէորգի  
քոյրերը , ինչպէս նա իւր վերջին տեսակ-  
ցութեան մէջ ըսած էր թէ միայն իրենք  
տէր պիտի լինին այդ տանը , այնպէս ալ  
եղան . ոչ ոք մեղադրեց Գէորգը իր գոր-  
ծած ոճրագործութեան մասին . ով որ  
լսեց , « Խաչիկ արժանի էր մահուան »  
կըսէր , և եթէ այնպէս չվարուեր Գէորգ  
իւր անիրաւ հօրը դէմ , գուցէ օր մը նրա  
որբ զաւակները յետին թշուառութեան  
մէջ ինկած սոսկալի ապագայ մը պիտի  
ունենային . հայր մը պէտք չէ որ իր զա-  
ւակաց այդպիսի բարբարոսութիւններ ա-  
նէ անխորձաբար . հայր մը պէտք է որ սէր  
և գութ ունենայ իր զաւակացը վրայ .

իսկ երբ այսպէս մեզանչէ Աստուծոյ և  
բնական օրինաց գէմ , երբ իւր սրտէն  
բոլորովին կը հեռացունէ Աստուծոյ եր-  
կիւզը և իրբեւ գիշակեր գազան իր զա-  
ւակաց արիւնը կը խմէ , այսպիսի դառն  
և սոսկալի հետեւանաց շարժառիթ կը  
գառնայ : Խաչիկ իր անխոհեմութեամբ  
մի այսպիսի դատապարտելի մահուամբ  
կեանքը վերջացունելչ յետոյ , իր հարա-  
զատ որդւոյն հայրասպան անունը ժա-  
ռանդելու ալ պատճառ եղաւ : Ուրեմն  
այնպիսեաց յիշատակը ամեն անգամ թող  
անէծքով յիշուի :

## ¶

Այն աղետալի եղելութենէն անցած էր  
ձիշդ երկու ամիս . Գէորգ առաջին ան-  
գամ եղեռնական ատենին առջեւ հար-  
ցաքնուեցաւ . ընդհանուր դատախազն  
էր քրիստոնէից թշնամի թուրք մը , Իի-  
զա պէյ անուն . մեր հայազդի առաջնա-  
կարգ փաստաբաններէն Մեծ . Գրիգոր  
էֆէնտի Զօհրաալ յանձն առաւ ձրիապէս  
պաշտպաննել Գէորգի դատը և մինչեւ  
ցայսօր կը մաքառի Գէորգը ազատելու

Համար : Խաչիկի արիւնը ոչ ոք կը պահանջէր իւր որդիէն , բայց եղեռնադատ ատեանը ամեն անգամ մահուան կը գատապարտէր յանցաւորը . առաջին անգամ երբ մահուան վճիռը տրուեցաւ ամբաստանեալին , նրա պաշտպանը վերաքննիչ ատենին դիմեց : Այո՛ , Գէորգ յանցաւորէ և արժանի է պատժոյ , բայց արժանի չէ մահուան , կազազակէր Պ. Զօհրապ , փաստեր և օրինագրքէն յօդուածներ ցոյց տալով . բայց պէտք է դիտեալ որ Հայոցս համար արդարութիւն և իրաւունք չկայ Էամկաստանի մէջ . կեանքիս մէջ չտեսայ դոնէ մի անգամ որ Հայ մը խնդումերես դուրս ելնէ գատարանէ մը . միշտ Հայն է պարտականը և միշտ Հայն է արժանի պատժոյ և տուգանաց . մենք ամեն անգամ անարժան ենք արդարութեան վասն զի արդարութիւնը զօրութեան հետ միացած է . այն ազգը և այն մարդը որ զօրաւոր չէ , արդար ալ չէ և ուր որ երթայ , չէ կարող պաշտպանել իւր իրաւունքը :

1883ին Պօլիս կը գտնուէի . յանկարծ միաքս եկաւ իմ անբաղդ ընկերը . շատ

փափաք ունէի վերջին անգամ տեսնել զնա միսիթարելու համար . մի քանի բարեկամացս հարցուցի իմանալու համար թէ ո՞ր ատեն թոյլտուութիւն կը լինի այդ կարգի բանտարկեալներուն այցելութիւն տալու . տեղեկացայ որ ուրբաթօրերը միայն կը լինի այդ թոյլտուութիւն ։ Հետեւեալ օրը որ ուրբաթ էր , ես գացի կեդրոնական բանալը որ Մէթուերհանէ կը կոչուի . նախ բանտապետի սենեկակը մըտայ ուր մէկ հրամանագիր առուին ինձ . մի ուրիշ պաշտօնեայ ոտքէս մինչեւ գըլըւխ խուզարկեց որ մի՛ գուցէ զինք , նամակ և այդպիսի վատանգաւոր բաներ գտնուին իմ վրայ . Այս գործողութիւնները վերջանալէ յետոյ , ինձ առաջնորդեց մի ծերունի թուրք պաշտօնեայ որ Թօմրուք աղասի կը կոչուի . հրամայեց որ ետեւէն երթամ . նա ծեռացը մէջ ունէր բազմաթիւ ծանր երկաթեայ բանալիներ . ես հետեւեցայ նրան . ծերունին ուրախութեամբ կառաջնորդէր ինձ , կարծես թէ ցոյց տալու համար իմ սիրելոյ անյայտ գերեզմանը . մենք մոտանք գետնի խորութեան մէջ . նախ երկաթէ ծանր դուռ

մը ճռնչալով բացուեցաւ և ապառաժ-  
եայ քարակոփի տասը աստիճան սանդուխ-  
ներէ դէպի վար իջանք . մի երկաթեայ  
դուռ եւս բացուեցաւ . երկու վայրկենէն  
մենք մտանք բանտարկեալի քարեղին  
վանդակը . պաշտօնեայն ինձ ցոյց տուաւ  
Գէորգը և հեռացաւ . երկաթեայ դուռը  
կրկին փակուեցաւ և ես մմացի միայնակ  
այդ քարեղին նկուզի մէջ : Յառաջանա-  
լով դէպի բանտարկեալը , տեսայ որ նա  
փոքրիկ սենեկի մը մէջ յարդեալ անկող-  
նոյ վրայ նստած , ձեռքը ծնոտին դրած  
կը մտածէր . խեղճը բոլորովին կերպա-  
րանափոխուած էր . սաստիկ նիհարցած ,  
մօրուսն երկարցած ու խառն ի խուռն  
մազերը եռապատիկ հաստացած կեղտէն ,  
նրա վարդագոյն թշերը դեղնած ու թոշ-  
նած էին , մարմինը ցնցոտիներու մէջ  
փաթաթուած , ոտքերը բոբիկ և չղթա-  
յակապ , արեւու նշոյլը հազիւ ներս կը  
թափանցէր այդ սենեկի նեղ լուսամուտ-  
ներէն . երբ ես դրան մէջ երեւեցայ , նա  
վեր թռաւ նստած տեղին , խոնջած ա-  
չերը յառեց դէպի ինձ , բոպէ մը կեցաւ  
լուռ և դարձեալ հայեացք մը թողուց

իմ վրայ ու հեծկլտալով անունս արտա-  
սանեց . ես մօտեցայ նրան , չի կրցայ ինք-  
զինքս զսպել և սկսայ ես ալ հեծկլտալ ,  
և այսպէս մի քանի վայրկեան մենք մը-  
նացինք լուռ գրկախառնութեան մէջ ...  
յետոյ բաժնուեցանք , բռնեցի նորա ձեռ-  
քէն ու նստանք յարդեայ անկողնոյն վը-  
րայ . նա չի կրցաւ բառ մ'արտասանել ,  
միայն թէ ձեռքը տարաւ դէպի կնճիռ-  
ներով պատած ճակատը . մէկ կողմ ըրաւ  
մազերու խիտ դէզը և ապա յարեց ոըր-  
տառուչ ձայնով . — Ա՛հ , սիրելի՝ բարե-  
կամս , այդ համբոյրներդ չեն թեթեւ-  
ցըներ իմ շղթաներու ծանրութիւնը . կը  
յուսացի՞ր որ այս ցաւակի վիճակի մէջ պի-  
տի տեսնես քու հաւատարիմ ընկերդ .  
թող տուր որ թափեմ իմ զայրացած սրտիս  
դառնութիւնը . ատեցին զիս ամեն բա-  
րեկամներս . ամենքը թողուցին զիս ան-  
տէր և անմիթար ու դու միայն կը սի-  
րես եղեր զիս , դու միայն հաւատարիմ  
մնալով ինձ , զիս երջանիկ ընելու համար  
եկար հոս : Այսպէս ըսելով նա բռնեց  
դողդողալով իմ երկու ձեռքերս և սկսաւ  
իւր ջերմ արտասուքով թրջել : — Մի

յուսահատիր՝ բարեկամ, Աստուած բարի է . թէպէտ սրտառուց է ներկայ վիճակը , սեւ է ճակատագիրդ , բայց պիտի դայ որ մը որ դարձեալ պիտի ազատիս այս բանտէն . համբերութիւնը յաղթող է : Երբ այս մխիթարիչ խօսքերը կարտասանէի , նու ամբողջ մարմնովն կը դողար որպէս մի եղեռնագործ և դեռ կը մաքառէր իր սրտի և զգացմունքներու հետ : Բաւական խօսակցելս յետոյ ըսի իրեն . Գէ՛ռդ , պէտք չէր որ դու հրապարակի վրայ , այն խօսւան բազմութեան մէջ գործէիր հօրդ սպանութեան գործողութիւնը . Եթէ վճիռդ անդառնալի էր , դու կարող էիր զնա սպանանել իր տանը մէջ և յետոյ փախչիլ կեանքդ ազատելու համար : Իմ այս խօսքերուս վերայ նա դարձաւ և պատասխանեց ինձ . Ո՛չ , ո՛չ , սիրելի բարեկամ , ես երբէք չէի ցանկանար փախստականի անուն ժառանգել . ատի վատութիւն սեպեցի . բայց կայ մի էակ որ ամենուս ջէրն է , ահա ես Անոր վրայ դրած եմ յոյս . աւելի մեծ յօժարութեամբ կընդունիմ մահը և ինձ հետ գերեզման կը տանիմ իմ

պատիւը . ուրեմն ի՞նչը ձգեց զիս այս թշուառ դրութեան մէջ . արգեօք վրէժ-ինդրութեան անզուսալ կի՞րքը , արդեօք արնեան անչէջ ծարա՞ւը . ո՛չ երբէք . ես եթէ հայրապան անունը ժառանգեցի , իմ ողորմելի որբ և անմեղ քոյրերու և եղրօրս ապագային բարելաւութեան համար ըրի այդ . ա՛հ , այն օրը երբ տեսայ զանոնք որ հայրենի տունէն արտաքսուած փողացներու մէջ կը թափառին ողբագին , ահա այն վայրկենին ատեցի կեանքը և սիրեցի մահը ու տառապանքը և վերջապէտ լուծեցի այդ անմեղներու վրէժը . . . : Յանկարծ նա ու ժաթափի եղաւ . նա չունէր այնքան սրտի զօրութիւն որ կարողանար զսպել իւր հոգւոյ ամենաղաւոն զգացմունքները դարձեալ սկսաւ արտասուքը հոսիլ նրա աչքերէն , դարձեալ զգացմանց կատաղի մրրիկը սկսաւ ալեկոծել նրա փլած սիրտը . այդ խոռովութեան մէջ երկար տեն կը տանջուէր նա մինչեւ որ խելագարի նման ձեռքը տարաւ դէպի բորբոքուած ճակատը և դողդ ոջուն ձայնով արտասանեց . Ա՛հ , ալ եւս յաւիտեան

կորսուած եմ. այս գայլերու ճիրաններու տակ ինկած մնացեր եմ անտէր. ո՛չ ազգը, ո՛չ Պատրիարքը կը պաշտպանէ զիս, բաց ի իմ բարի և մարդասէր փառտարանէս որ իւր հոգին ու մարմինը կը մաշեցնէ զիս պաշտպանելու և ազատելու համար. նա է միայն որ կը գթայ ինձ. շատ առաքինի անձ է. եթէ նա իմ գատն չպաշտպաներ, մինչեւ հիմա Թուրքերը կախաղան քաշած էին զիս. կըսեն թէ Թուրքերը գթասիրտ են և ես ալ այնպէս կարծելով խօստովանեցայ ճշմարտութիւնը, բայց յետոյ շատ զղացի:

Բարեկամիս այս խօսքերը ես ընդմիջելով ըստի. Յիրաւի սիսալած ես դու, Գէորգ. սովորին անուշը չըլլար. Թրքաց մարդարէն այնպէս սովորեցուցած է որ իւր յաջորդները միշտ հալածեն քըրիտոնեայները, անոնց աղօթատեղիները հիմայատակ կործանեն, հարըստահարեն զանոնք, բռնաբարելով կոյսերու պատիւը ընդունել տան անոնց բռնութեամբ Մուհամմէտի պիղծ կրօնքը, վերջապէս հազարաւոր անազնիւ միջոցներ գործադրելով, յաջողին յաղթել ա-

մեն անոնց որոնք տկար և անպաշտպան արարածներ են աշխարհի վրայ . . . նոքա համոզուած են թէ երբ այս ընթացքը բռնեն, այսինքն բարբարոսութիւններ գործեն, պիտի կարողանան տիրել ամբողջ աշխարհի. բայց չեն գիտեր որ ընդ հակառակը պիտի գայ օր մը որ Թրքաց գահը և թագաւորութիւնը կործանուելով հազիւ կարող պիտի լինին գտնել Արաբիոյ խորերուն մէջ մի քանի փարսախ հող բնակելու համար. այո՛, պիտի գայ օր մը որ Թուրքը պիտի յիշէ իւր անցեալը, պիտի ըսէ ինքնին թէ ես ալ զօրաւ օր ազգ մ'էի ժամանակաւ, իսկ այսօր վայրենի արաբացւոց մի անզօր իշխան: Տա՛ր երկինք որ այդ օրը չուտ հասնէր, որ մենք ալ ցամքած աշերով տեսնէինք նրա կործանումն և մեր ականջներով լսէինք անոնց ողբը. ինչպէս որ Թրքաց արշաւանքները դէպի Արեւելք բարբարոսութեամբ սկսան, իւր այդ բարբարոսութիւնը նոյն իսկ պատճառ պիտի դառնայ կործանելու նրա մահամերձ թագաւորութիւնն ալ: Իմ այս արդարացի խօսքերս լսեց բանտարկեալն և

դառն կերպիւ շարժեց գլուխը և իւր շղթաներու շառաչիւնը արձագանք տըւաւ իր սրտի բարկութեանը . յանկարծնա նստած տեղին վեր թուաւ . միրտը լեցուած էր արդար վրէժինդրութեամբ , բայց թշուառը ազատ չէր , վասն զի նրա ոտքերը կաշկանդած էին ամուր շղթաներով . մի քանի վայրկենին դադրեցաւ բարկութիւնը . դարձեալ նա նստաւ յարդեայ անկողնոյն վրայ . ես իւր ցաւերը մոռցնելու համար տուի ծխախոտի տուփը և սկսանք հանդարտօրէն խօսիլ անցած աղետիցը վրայ . ես միշտ կը մսիթարէի զինքը և իր ազատութեանը վրայ կը խօսէի . իմ արտասանած խօսքերովս նրա տխուր դէմքը փայլեցաւ ստատիկ ուրախութեամբ և բանտի սենեկին չերմութենէն քրտանց մի քանի մարդարիտներ տեսնուեցան նրա դալկահար ճակտին վրայ : Ես պատրաստուեցայ մեկնելու , նա բռնեց ձեռքերէս ու տխուր ժըպիտով մը նստեցուց զիս . յետոյ իւր անկողնոյ տակէն մի տետրակ դուրս տուաւ և տուաւ ինձ . ես ժպտելով կարդացի տետրին ճակատը ուր սա խորհր-

դաւոր բառերը նշանակուած էին «Հայրասպանի Յիշատակարանը» : Գէորգ այն աղետալի օրէն սկսեալ մինչեւ այդ օրը իր թշուառ կեանքը նկարագրած էր այդ տետրի մէջ : Ըսի իրեն թէ պէտք է որ շարունակէք այդ գրուածքը մինչեւ ձեր ազատման օրը . միայն թէ քեզի պէտք է գլխաւոր երկու բան , առաջնորդ համբերութիւն և երկրորդը գերմարդկային արիութիւն :

Մինչդեռ մենք այս խօսակցութիւնը կընէինք , երկաթեայ դուռը ահուելի գոռումով բացուեցաւ . երկու վայրկեանէն յետոյ ծերունի պաշտօնեայն երեւցաւ գրան չէմքին վրայ և հրամայեց որ բաժնուիմ . ես ելայ ստքի վրայ , վերջին անգամ համբուրեցի տարաբազդ ընկերիս գեղնագոյն զրթունքները և հեռացայ : Նա բարձրածայն աղաղակեց ետեւէս . «Մի՛ մառանար զիս . կեանքիդ մէջ յիշէ՛ միշտ քու հայրասպան ընկերդ» :

## Թ

Անցած էր վեց ամիս մեր աեսութեան օրէն , եղեանաղատ ատեանը Գէորգի

մահուան վճիռը տուաւ . ընդհանուր գատախազը զրկեց մի գործակատար պաշտօնեայ բանտարկեալին մօտ , վճռագիրը իրեն կարդալու համար : Բանտապեար կը բերէ Գէորգը այցելութեան սենեակը . գործակատար պաշտօնեայն վճռագիրը կարդալէ յետոյ , իմաց կուտայ գատապարտեալին թէ մի միայն Սուլթանը կարողէ բարեփոխել այս վըձիռը , այսինքն պէտք է որ Սուլթանի աղերսագիր մը մատուցուի Գէորգի կողմէ , որպէս զի կեանքը իրեն չնորհուելով գատապարտուի միայն 10 կամ 15 տարի բանտարկութեան : Գուժաբեր ճիւազը իւր պարտքը կատարելէ յետոյ կը հեռանայ , իսկ Գէորգ յուսահատեալ կը մտնէ դարձեալ իր քարեզէն վանդակը և կը սկսի մտածել . նոյն օրը սաստիկ անհանդստութեան մէջ կը մնայ . երեկոյին իր ցաւերը մոռնալու համար կը մտնէ անկողին , բայց հազիւ թէ կէս ժամի չափ խաղաղ կը քնանայ , շուտ կը խանդարուի այդ խաղաղութիւնը , նա յանկարծողն ապահառ և սարսափահար վեր կը թռչի անկողին և այդ չափաշուք սենեկին եր-

կայնութեամբն երթալով գալով ցնորեալ վիճակի մէջ կակսի ինքնախօսութիւն անել սապէս . Ա՛հ , ա՛լ եւս յոյս չունիմ կեանքէս , կորստեանս ժամը եկել հասելէ , այս ի՛նչ տաժանելի վիճակի մէջ կը գտնուիմ , գիշերները քունիս մէջ անգամ կը մաքառիմ իմ անիրաւ հօրս ուրուականին հետ որ իւր արիւնլուայ ձեռքերովը կուզէ խեղդամահ անել զիս . այս՝ գիտեմ որ ես մեղաւոր եմ , բայց միայն իմ Աստուծոյս առջեւ . հայրս ինձնէ աւելի մեղաւոր էր , նրա ուրուականը իրաւունք չունի զիս հալածելու . նա իրաւունք չունի ինձնէ իւր արիւնը պահանջելու , վասն զի նա արժանի էր մահուան : Այս ըստ խեղճ ցնորեալը և գընաց վհատեալ ու նուաղեալ ինկաւ յարդեայ անկողնոյն վրայ , վիզը ծռեց , ծնօտն մաշուած կուրծքին վրայ ինկաւ , մի քանի վայրկեան անշարժ մնաց այդ յուսահատութեան մէջ և յետոյ որպէս ի քնոյ զարթուցեալ , ելաւ կանգնեցաւ ու դարձեալ շարունակեց իւր մենախօսութիւնն . — Ուրեմն զիս սիտի սպաննէ՞ն .

ո՞վ անօրէն դատաւորք , միթէ՞ դուք չունիք մարդասիրութեան զգացում , միթէ՞ դուք արդարութիւնը ունակոխ ընելով կը կարծէք թէ համոյք մը պիտի զգաք իմ մահուամբս . . . բայց քանի որ վճռած էք , պէտք է կատարուի ձեր կամքը . ոչինչ չեմ կարող անել . ազատ չեմ ես և իմ արդար ձայնս այս երկաթէ դռներէն դուրս հանելու գիւրութիւն չունիմ , չեմ կարող օդնութիւն և գթութիւն աղաղակել , չեմ կարող իբրեւ ազատ մարդ հրապարակաւ բողոքել ձեր անիրաւ վճռոյն դէմ :

Եւ իբր վերջին խօսքերը արտասանելու միջոցին , նրա ամուր ձայնը դողդըզ , դոզդզացին նաեւ իր նիկար ծընկուըները , երկու ձեռքով բռնեց աչքերը և արտասուքը ջերմ հոսանքով կը թրջէր դժբախդ երիտասարդի շղթայակապ ձեռքերը : Անցած էր արդէն կէս գիշերէ , նա դարձեալ մտաւ անկողին և պատրատած վերմակը քաջեց գլխուն , քնացաւ : Գիշերուան խաղաղ լուռթիւնը տիրեց այդ ահաւոր , այլանդակ և խաւար սենեկին մէջ :

Հետեւեալ առաւօտ բանտապետը , ըստ ամենօրեայ սովորութեան , ծանր բանալիները բարակ չղթայով մը մէջքէն կախած , մարդասպաններու մասնաւոր սենեակները սկսաւ այցելել տեսնելու համար թէ ըրլայ որ բանտարկեալները իրենց շղթաները կոտրելով փախչելու փորձ ընեն : Ամէն երկրի բանտերու մէջ այս օրէնքը կայ արդէն . բանտապետը պարտի ամեն առաւօտ աչքէ անցունել բանտարկեալները , զատ զատ անոնց շղթաները քննելով : Նոյն առաւօտ եւս բանտապետը իր պաշտօնը կարգաւ կատարելով , քիչ մը վերջը Գէորգի սենեկին երկաթեայ դուռն ալ բացուեցաւ . բանտապետը ներս մտնելով նախ և առաջ նրա շղթաները աչքէ անցուց և մի քանի բառ արտասանեց . անգութ պաշտօնեայն այս առաւօտ բոլորովին փոխուած տեսաւ Գէորգ . նրա երկայն մազերը խառն ի խուռն ոլորուած և դէպի վեր տնկուած էին , մէկ մաս մ'ալ ճակտին վրայ ցցած , աչքերը կատղած հրէշ աչացը պէս կը վառուէին , դէմքը մագաղաթի գոյն էր ստացել : Բանտարկեալը արհամարհակական

կերպով նայուածք մը թողուց բանտապետին վրայ և նրա հարցմանցը ոչինչ չսլատասախանեց . բանտապետը տեսնելով որ իւր հարցմանցը պատասխան չառներ , երկրորդ անգամ աւելի ըսպառնական կերպով հարցուց և մի քանի խարազանի հարուածներ տուաւ խեղձի մերկ մարմնոյն . նա դարձեալ չպատասխանեց և որպէս մի այլանդակ հրէշ լի ամենայն զարհուրանքով ելաւ կանդնեցաւ . րոպէտական լուութենէ յետոյ իւր չղթաներով յարձակեցաւ բանտապետին վրայ և սպառնալից նայուածք մը թողուց նրա վրայ . բանտապետը սարսափելով նրա այդ ահարկու նայուածքէն , հեռացաւ այս անգամ առանց մի բառ արտասանելու :

Գէորգ ցնորած էր . . .

Քիչ մը վերջը բանտապետը վերստին եկաւ , այս անգամ իւր օդնականներով մէկտեղ . կաշկանդեցին Գէորգը ամուր չղթաներով . նա անդադար կաղաղակէր , նրա կատաղութիւնը կը նմանէր ճիշդ առիւծի կատաղութեան , նրա բերանը ծարաւէ և անօթութենէ վրփրած , աչ-

քերը մթնապատած , կուզէր ջախջախել իւր գէմ ելնողներու գլուխը . եթէ ազատ լինէր նա , այդ վիճակի մէջ չատըաներ կարող էր անելու . կարծես թէ գոմէշի ոյժ էր առած . երբեմն գլուխը երկաթէ դրան և բանտի քարերուն զարնելով «Արդարութիւն , արդարութիւն» կաղաղակէր : Բանտապետը տեսնելով որ ա'լ անկարելի է Գէորգը թողուշ բանտի մէջ , արձակեց իւր չղթաներէն և փոխադրեցին Թօփ-թաշի յիմարանոցը : Եղեռնական ատենին որոշմամբը տեղեկութիւն ուզուեցաւ յիմարանոցի բժշկապետէն թէ Գէորգ յիրաւի ուղեղի հիւանդութիւն ունի՞ թէ ոչ . քրիստոնէից այդ թշնամիք կը կարծէին թէ Գէորգ ինքնինքը իրրեւ իւենթ կը ձեւացնէ որպէս զի կարենայ մահուան պատժէն ազատիլ : Յիմարանոցի բժշկապետն էր հայազգի Տօքթէօր Մանուկ Սղասեան որ այս մասին պաշտօնական գրութիւնը ընդունելէ յետոյ , իւր երկու օգնական բժշկաց հետ երկար խորհրդակցութիւն (consultation) մ'ըրաւ հիւանդին վրայ և անմիջապէս տեղեկագիրը մատուցին ընդհանուր դա-

տախազին : այդ պաշտօնական տեղեկագրի մէջ ըստւած էր թէ Գէորգի հիւանդութիւնը ոչ միայն կեղծ չէ , այսինքն simulant չէ , այլ և ծանր է և թէ այս հիւանդութիւնը դարմանուելու համար երկար ատենի պէտք ունի : Ընդհանուր դատախաղ Ռիզա պէյս Տօքթէօր Աղասեանի տեղեկագրին չվատահեցաւ վասն զի հիւանդը և քննիչ բժշկապետը միււնոյն ազգէ և կրօնէ էին , այս պատճառաւ անհաւատալի թուեցաւ իրեն այդ տեղեկագրի ստուգութիւնը : Ռիզա պէյս ժողովին յայտնելով իր այս կարծիքը , որոշուեցաւ որ վերաքննուի Գէորգի հիւանդութիւնը և այս անդամ քննութիւնը յանձնուեցաւ թուրք բժիշկներու : Վերաքննիչ ընտրեցին երեք թուրք բժիշկներ որոնք կարուղ չէին . թեթեւ հիւանդի մը լուծողական դեղ մ'անդամ տալ , ուր մնաց որ այնպիսի ծանր հիւանդութեան մը վրայ խորհրդակցին և անսխալ կերպով որոշում տային : Նախ և առաջ պէտք է գիտնալ որ մարդ յիմարանոցի բժիշկ ըլլալու համար , այդ բարձր ուսումը Եւրոպիոյ բժշկական ա-

կադէմիայի մէջ ուսանելէ յետոյ , երկար տարիներ ալ մասնաւոր յիմարանոցներու մէջ փորձառութիւն պիտի ունենայ . և ահա այնպէս կը լինի մասնագէտ բժիշկ յիմարներու համար : Տօքթէ . Մանուկ պէյս Աղասեան այս վերջիններէն էր . իսկ թուրք բժշկները Կ . Պօլսոյ բժշկական վարժարանի մէջ առած էին իրենց ուսումը և հազիւ կարող էին դարմանել վոքրիկ հիւանդութիւններ : Վերջապէս օր մը այդ թիւրք բժիշկներ առանց իմացնելու բժշկապետին յանկարծ գնացին յիմարանոց Գէորգը տեսնելու : Երբ մօտեցան Գէորգի մահճակալին , նա երկւակայական կատաղութեան և երազական ցնորքներու մէջ ինկաւ . խեղճը կարծեց թէ այդ զինուորական մարդիկ եկած էին զինքը տանելու դէպի գլխատման բեմը . երբեմն իւր սպառնական նայուածքով հերոսի նման կուզէր յարձակիլ անոնց վրայ , երբեմն ալ կատաղութիւնը դադարեցնելով կը պաղատէր որ երիտասարդութեանը վրայ գթան և կեանքը նըւիրեն իրեն . և ահա որպէս մի խելագար իւր հիւանդութեան ամեն ձշմարիտ

յատկութիւններով կըտառապէր թշուաս-  
ռը : Վերաբննիչք բժիշկները առանց բան  
մը հասկնալու հեռացան և նրա հիւան-  
դութեան տեղեկագիրը մատուցին բոլո-  
րովին հակառակ հայ բժշկապետի առա-  
ջին տեղեկագրոյն : Մի քանի օր վերջը  
Տօքթէօր Աղասեան անոնց մխալ տեղե-  
կագրի մի պատճէնը ձեռք անցունելով  
անմիջապէս մի բոլոքագիր տուաւ եղեռ-  
նագատ ատենի ընդհանուր դատախա-  
փին և խնդրեց որ եւրոպացի հմուտ բը-  
ժիշկներէ մի քննիչ մասնախումբ կազ-  
մուի ճշմարտութիւնը երեւան հանելու  
համար . այդ բժիշկները պէտք է ընտ-  
րուին ընդհանուր դատախագի կողմանէ  
և իր ներկայութեամբ քննուի Գէորգը  
և եթէ իրենք կողմակցութեամբ ի նը-  
պաստ Գէորգի տուած են առաջին տե-  
ղեկագիրը , այն ատեն Տօքթէօր Աղա-  
սեան յանձն պիտի առնու ըստ օրինի  
պատժութ դատարանի առջեւ . իսկ եթէ  
թուրք բժիշկներն հայ բժիշկներուն հար-  
ուածելու համար տուած են հակառակ  
տեղեկագիր , այն ատեն նոցա տգէտ և  
անփորձ մարդիկ ըլլալը հրապարակաւ

պիտի հրատարակէ : Ընդհանուր դատա-  
խազը Տէօքթ . Մանուկ Աղասեանի իրա-  
ւացի առաջարկութիւնն ընդունելով ,  
Բերայի գերմանական հիւանդանոցի բը-  
ժշկապետ Տօքթ . Միւլիքը և ուրիշ եր-  
կու գաղղիացի բժիշկներ կանչեց որոնք  
խմբովին գնացին յիմարանոց Գէորգը  
տեսնելու . անդ ներկայ էր ընդհանուր  
դատախազ Ռիզա պէյը իւր օգնականի  
հետ . իսկ թուրք բժիշկները մերժած էին  
ներկայ գտնուիլ , այլ և այլ պատճառ-  
ներ ցոյց տալով :

Եւրոպացի բժիշկները մէկ ժամէ աւե-  
լի խորհրդակցութիւն ըրին հիւանդին  
վրայ : Տօքթ . Պէռնար , խենթերու հա-  
մար երեւելի մասնագէտ բժիշկը , նախա-  
պէս իւր կարծիքը յայտնեց ընդհանուր  
դատախազին և յետոյ Տօքթ . Աղասեանէ  
ուզեց իւր տեղեկագրի պատճէնը : Այս  
միջոցին Ռիզա պէյ առաջին պաշտօնական  
տեղեկագիրը օգնականէն առնելով ցոյց  
տուաւ . Տօքթ . Պէրնար մեքենաբար գըր-  
պանէն ակնոցը դուրս առնելով զետեղեց  
քթին վրայ և կարգաց . մի քանի վայր-  
կեան լուռ կեցաւ և յետոյ դատնալով

ընդհանուր դատախազին ըստաւ . Եթէ այս  
տեղեկագրի վրայ կասկածելով հաւա-  
տարմութիւն չէք ունեցած , մեր կողմա-  
նէ տրուելիք տեղեկագրին ալ չպիտի  
հաւատաք , վասն զի մեր կարծիքն ալ  
Տօքթ . Աղասեանի տուած տեղեկագրի մի  
սկատձէնը պիտի լինի . թէև անձամբ չեմ  
ճանաչեր այն բժիշկները որոնք ուզած են  
սկարծենկոտութեամբ զիրենք Տօքթ . Ա-  
ղասեանէ աւելի մասնագէտ ցոյց տալ ,  
Զեր Մեծապատուութիւնը իմ կողմանէ  
փոխանորդ կը կարգեմ և կաղաչեմ որ իմ  
կողմանէ բարեւելով այդ անձանց ըսէք  
որ իրենք գիշերային թանձր խաւար մ'են  
և կուզեն մաքառիլ լուսի պէս յայտ-  
նի ճշմարտութեան դէմ : Տօքթէօր Պէր-  
նար այս խորհրդաւոր բառերը արտա-  
սանելէ յետոյ , ամենայն քաղաքավարու-  
թեամբ հրաման ուզեց մեկնելու : Իրազ  
պէյ կարմրեցաւ , դողդոջուն քայլերով  
մօտեցաւ Տօքթ . Աղասեանի և ներոզու-  
թիւն խնդրեց իւր գործած յանդգնու-  
թեանը համար , վասն զի Տօքթ . Պէրնարի  
խօսքերէն զգաց որ մի զօրաւոր հարուած  
կերաւ իր բռնած սխալ ընթացքին հա-  
մար :



Յունվար ամսոյ սկզբները , ձմեռնա-  
յին սաստիկ երեկոյ մը , արեւելեան սառն  
քամին կը փշէր սաստիկ գոռումով : Ա-  
քատիկ բնակարանի մը մէկ սենեկին մէջ  
որ ձիթային ձրագի աղօտ լուսովն լու-  
սաւորուած էր , երկու մանկահասակ ա-  
րարածներ , մին օրիորդ և միւսը փոքրիկ  
պատանի , կրակարանին մօտ միմեանց  
գրկուած պառկած էին պատառոտած-  
անկողնոյ մը մէջ : Ասոնցմէ քիչ հեռուն ,  
չափահաս մի օրիորդ եւս փախաթի վրայ  
նստած , գիշերապահ ուրուսականներու  
նման առանձին սառնութեամբ կը նայէր  
երկու անմեղներուն և կը մտածէր իրենց  
ցաւալի վիճակին վրայ : Սոքա Գէորգի  
մեծ քոյրը և փոքրիկ եղբայրն էին , ո-  
րոնք անտէր և անպաշտան մնացած ,  
աղքատութեան սոսկալի ճիրաններուն  
մատնուած էին . չափահաս օրիորդը տես-  
նելով իրենց այս թշուառութիւն , վըճ-  
ռած էր այլ եւս թողուլ այս սնոտի աշ-  
խարհը և երթալ յաւիտենականութեան  
գիրկը . նա տխուր մտայուզութեան մէջ

ինկած կը նայէր ճրագի ճաճանչներուն ,  
Գիշերը բաւական անցել էր , աքաղաղ-  
ներն ալ ցրտի սաստկութենէն անհան-  
գիստ ըլլալով կէս գիշերուան մէջ հե-  
տըզհետէ կը խօսէին : Մաքրուհի դող-  
դոջուն քայլերով ելաւ կանգնեցաւ , ամ-  
բողջ մարմնով կը դողար ցրտէն , գնաց  
կրակարանը խառնեց . մի քանի խոշոր  
կայծեր տեսնուեցան , ունելիքով մէկ  
կողմ դրաւ այդ կայծերը և ծրարի մէջէ  
դուրս առաւ մէկ երկու կառոր ածուխ ,  
դրաւ կրակարանին մէջ և յեաոյ կայծերը  
շարեց ածուխին գագաթը և սկսաւ իր  
չնչովը սաստկացնել կրակը : Մի քանի  
վայրկեան վերջը փոքրիկ սենեակը լեց-  
ուեցաւ թանձր մառախլապատ մուխով .  
ածուխը լաւ չէր շինուած , նրա ամբողջ  
մասը փայտ էր մնացել շինուելու տաեն .  
այդ թունաւոր մուխը կը կոչուի աcidé  
carbonique ( ածխային թթու ) . շատ  
անդամ մարդիկ երբ անձնասպանութեան  
դիմեն , այդպէս ածուխի մուխով կը թու-  
նաւորեն ինքինքնին : Մաքրուհի կրա-  
կարանը տունելով իւր վերմակի մէջ ամ-  
բողջ մարմնով ծածկուեցաւ որպէս զի

ածխային թթուն դուրս չելնէ և ա-  
ւելի շուտ ներգործէ թոյնը . նա հազիւ  
երկու վայրկեան կարող եղաւ դիմանա .  
լու . դեռ ինքինքը չէր կորսնցուցած ,  
յանկարծ մատերեց որ եթէ անզգայ  
վիճակի մէջ լինի , կրակարանէն վառուե-  
լով ողակէց պիտի դառնայ . անմիջապէս  
վերմակէն դուրս առաւ կրակարանը և մի  
քանի րոպէ եւս հազիւ կարողացաւ բըռ-  
նել ինքինքը , ինկաւ գետին անզգայ  
վիճակի մէջ . նոյն ատեն նրա դէմքը սա-  
տացաւ ածուխի գոյն և բերնէն սկսաւ  
հոսել հեղուկ մը որ ճիշտ կը նմանէր ա-  
ճառի փրփուրի : Երկու մանկահասակ  
անմեղներն ալ ածխային թոյնի ներգոր-  
ծութիւնն զգացած էին , նոքա սկսան  
թապլտկել անկողնոյն մէջ . անշուշտ կը  
զգային մէծ անհանգստութիւն , բայց  
չէին կարող ոտքի վրայ ելնել և ոչ ալ  
մի բառ արտասանել , վասն զի թոյնը  
թմրեցուցած էր անոնց երակաց արիւնը  
և սաստիկ նիհարցուցած էր մարմնոյ ջի-  
զերը :

Առաւօտեան արշալցու ծագել էր ար-  
դէն . որբերու տան գրացիներէն մի բա-

րեսիրտ կին որ ամեն օր մի քանի անգամ  
կուգար անոնց մօտ , այս առաւօտ դարձ-  
եալ իւր սովորական այցելութիւնն ըրաւ  
հարցնելու համար թէ սարսափելի ցուրտ  
գիշերը ի՞նչպէս անցուցած են . նա պար-  
տիզի գոնէն մտնելով եկաւ ներքնադու-  
ռը բանալու , տեսաւ որ գոցուած էր  
ներսէն . անբաղդներու պառկած սենեկի  
պատուհանի ապակին զարկաւ , սպասեց  
մի քանի վայրկեան որ գուռը բացուի .  
անցաւ բաւական ատեն և նա կարծեց որ  
չէին լսած ապակիին ձայնը , նա երկրորդ  
անգամ զարկաւ պատուհանին աւելի ա-  
մուր կերպով և բարձրաձայն աղաղակեց  
որ գուռը բանան . բայց նոքա անգայ  
վիճակի մէջ տարածուեր էին փօխաթին  
վրայ : Դրացուհին գառնալով իր տունը  
պատմեց եղելութիւնը իր երիտասարդ  
որդւոյն որ անմիջապէս գնաց խորտա-  
կեց գուռները , ներս մտաւ և սկսաւ  
պաղ ջուր սրսկել մահուան վիճակի մէջ  
գտնուող մանկանց երեսին , բոլորովին  
բացաւ պատուհանները և գուռները , սե-  
նեկին ապականած օդը մաքրելու համար .  
դրացուհին շտապաւ գնաց մօտակայ դե-

զարանը . այնտեղ բժիշկ չգտնուելով դե-  
ղագործ Ուսիմայէլ Նալեան այլ և այլ գե-  
ղեր իր հետ առած վազեց եկաւ և հի-  
ւանդներուն բաւական օգնեց . քիչ մը  
վերջը քաղաքային բժիշկն ալ եկաւ և  
վերջապէս յաջողեցան անմեղները մահ-  
ուան վտանգէ ազատելու : Խւսկիւտարի  
կառավարիչն լսելով անձամբ եկաւ տե-  
ղեկանալու : Մաքրուհի որ կարծես թէ  
երկար տարիներ անկողնոյ ծառայած էր ,  
հազիւ կարող էր շարժիլ հնամաշ անկող-  
նոյն մէջ . դէմքը գեղնած էր որպէս մեղ-  
րամոմ և սաստիկ տկարութեամբ կար-  
տասանէր խօսքերը :

Կառավարիչը հարցուց թէ ի՞նչպէս  
տեսի ունեցաւ անձնասպանութեան փոր-  
ձը : Մաքրուհի պատմեց ամենայն ճշշ-  
դութեամբ . ըստ թէ պատճառ այն էր  
որ իրենք յետին աստիճան աղքատու-  
թեան մէջ ինկած էին և ոչ ոք կօգնէր  
իրենց . անոր համար յուսահատած , ա-  
ւելի լսւ համարած էր մեռնիլ քան թէ  
չարաչար տանջուիլ : Կառավարիչն գը-  
թալով որբերուն վրայ , փոքրիկ գումար  
մը նուիրեց անոնց և յետոյ պաշտօնական

Գրութիւն մը ուղղեց Նոր Թաղի Թաղական խորհրդին որ ուշադրութիւն դարձունեն այդ թշուառ որբերու վրայ և պարտք համարին իրենց հսկողութեան տակ առնել։ Թաղական խորհրդի կառավարչի առաջարկութիւնը ընդունեց և Աչլամից թաղի Աղքատախնամ ընկերութիւնն ալ որոշեց ամիսը երեք մէծիտ տալ որբերուն։

Մաքրուհի անձնասպանութեան դիմելուն համար շատ զղաց և ամաչեց։ Նա այնուհետեւ սկսաւ տունէն դուրս չելնել որպէս զի իր հասակակակից բարեկամուհիները տեսնելով չնախատեն զինքը ըսելով թէ՝ Հեռո՛ւ մեզնէ, դու որ քու անձիդ, քու կեանքիդ թշնամի ես, դու որ քու հոգիդ ու մարմինդ չես սիրեր, կարելի է որ օր մը զմեզ ալ մոլորեցնես ու խորհուրդ տաս որ մենք ալ անձնասպան լինինք։ Ահա այս երեւակայական մտածումները կը տանջէին զինքը, թէեւ ընդհակառակիը նրա բարեկամուհիները կը սիրէին զինք, կը ցաւէին նրա անբաղդութեանը վրայ և կը փառքէին տեսակցիլ իրեն հետ, միսիթա-

բել զինք և պէտք եղած օգնութիւններն ընել։

## ԺԱ

Մաքրուհւոյ անձնասպանութեան դիմած օրէն անցած էր երեք տարի. այն եղելութենէն յետոյ բաւական երջանիկ էին. անոնց ապրուստի մասին ազգը անտարբեր չէր։ Վերջապէս Մաքրուհին ամուսնացուցին մի երիտասարդի հետ որ իր դրացին էր. երբ Մաքրուհի անձնասպանութեան դիմած էր, սորա օգնութեամբը ազատած էր մահուանէ. անշուշտ ընթերցողը կը յիշէ այն իինը որ ամեն օր կայցելէր որբերը տեսնելու. երիտասարդը այն բարեսիրա կնոջ հարազատ որդին էր։ Գէորգ հարսաննեկան հանդիսին ներկայ գտնուելու համար, ընդհանուր դատախազէն հրաման խընդրուեցաւ որ երկու օրուան համար միայն թողու երաշխաւորութեան տակ առնելով։ բայց նա մերժեց այս խնդիրքը։

Գէորգ բոլորովին առողջանալով և յիմարանոցին ելնելով, դարձեալ կեդրոնա-

կան բանտը դրուած էր . երբ իմացաւ  
իր քրոջ ամուսնութիւնը , շատ ուրախա-  
ցաւ , նա իր ցաւերուն ամենէն մեծը  
փարատեց . նա ամեն վայրկեան կը մոռա-  
ծէր անոր ապագային վրայ . շատ գոհ  
լինելով այդ լուրէն , սկսաւ օրհնել իր  
քրոջ պաշտպանները :

Մաքրուհւոյ ամուսնութենէն ամիս մը  
վերջը , երկու նորապսակներն գնացին  
կեդրոնական բանտը Գէորգի այցելու-  
թեան . բանտապետին հրամանով բերուե-  
ցաւ Գէորգը այցելութեան սրահը . այս  
անդամ չուներ շղթաներ , ո՛չ իր պարա-  
նոցի և ո՛չ ալ ոտիցը վրայ , վասն զի Սուլ-  
թան Համբարձուագիր տուած էր որ  
իւր կեանքը չնորհէ . բարեսիրա... Սուլ-  
թանը անբաղդ երիտասարդին կեանքը  
չնորհած լինելով , 15 տարի բանտարկու-  
թեան գատապարտուած էր նա : Քոյր և  
եղբայր այն աղետալի օրէն ի վեր առաջին  
անդամ էր որ կը տեսնէին իրար . Մաք-  
րուհի մի քանի անդամներ գնացած էր  
կեդրոնական բանտը իր եղբայրը տեսնե-  
լու , բայց անդութ բանտապետը չէր  
թողած : Գէորգ իր փոքրիկ քոյրը 5 տա-

րի առաջ թողած էր մի փոքրիկ օրիորդ .  
իսկ 5 տարի վերջը կը տեսնէ զնա ամուս-  
նացեալ մի երիտասարդ կին : Երկու կա-  
րուսեալներն գրկուեցան . Գէորգ իր վը-  
տակոծ ճակատը մի քանի բոպէ հանդ-  
չեցուց քրոջը կուրծքին վրայ . Մաքրուհի  
ջերմ արտասուաց կաթիլները զգաց իր  
սրաին վրայ և քոյր և եղբայր դառն հեծ-  
կլտանքով բաժնուեցան : — Ախ , ի՞նչ  
քաղցր է սիրելի քրոջ մը դէմքը կրկին  
անդամ տեսնել , ըստ Գէորգ ցաւագին  
ժպիտով մը . քու նայուածքդ , քու դէմ-  
քըդ կը յիշեցնեն ինձ մեր մանկութեան  
երջանիկ օրերը . մինչեւ հիմա իմ եղբայ-  
րական սիրոյ զգացմունքս կը նիբհէէր ,  
իսկ այժմ արթնցուցիր այն սէրը . գիշեր-  
ները երազիս մէջ խաւար բանտիս խորե-  
րէն քու քաղցրիկ ձայնդ կը լսէի , քու  
սիրուն դէմքդ կը տեսնէի և այնպէս կա-  
րօսս կառնէի : Այս խօսքերն ըսելով Գէ-  
որգ , իր քրոջ փափուկ ձեռքերը տո-  
նելով իւր ձեռացը մէջ սկսաւ թրջել իր  
արտասուքտով :

Հանդարտէ՛ , սիրելի՛ եղբայրս , բաւա-  
կան է որ մեր սիրտերը մօտ են իրարու .

համբերութիւն պէտք է միայն. պիտի դայ  
օր մը որ իմ գուանքները պիտի մոռ-  
ցունեն քու վշտալից անցեալդ. յլշէ՛ ան-  
գամ մը մեր անցուցած մանկութեան գե-  
ղեցիկ օրերը, գարձեալ նոյն ենք մենք  
և գարձեալ պիտի վայելենք ընտանեկան  
սէր և խաղաղութիւն: — Տա՛ր երկինք  
որ շուտ համեմէր այդ ցանկալի օրը, պա-  
տասխանեց գատապարտեալն: Յոպէական  
ըսութիւն մը տիրեց երկուքին մէջ և յե-  
տոյ շարունակեց Գէորգ. Ա՛հ, գիտցէք թէ  
այժմ այստեղ որ ներկայ կը գտնուիք,  
զմայլելի և հեշտ վայրկեան մ'է այդ ինձ  
համար, որ երազի պէս պիտի անցնի.  
ա՛լ թուան իմ մանկութեան և երջանկու-  
թեան օրերը վաղանցուկ վերջալուսի նը-  
ման: յիրաւի ես երբէք չէի յուսար որ  
զիս իբրեւ եղբայր ճանաչելով այսօր պի-  
տի այցելէք ինձ մսիթարելու համար. ես  
կը կարծէի որ դուք յաւիտեան պիտի  
ուրանաք զիս, նախատինք և անէծք պի-  
տի թօթափէք իմ գլխուս, ըսելով թէ  
Գէորգ ալ եւս մեր եղբայրը չէ, Գէորգ  
հայրասպան եղեռնագործ մի է, վերջա-  
պէս նա ատելի էակ մ'է: Այս ըսելէ յե-

տոյ նա գարձեալ ինկաւ անբացատրելի  
սրտայուղութեան մէջ և ձեռքերովը փա-  
կեց աչքերն ու սկսաւ հեծկլտալ:

Այս վայրկենին Գէորգի քեռայրը որ  
կը գտնուէր քիչ մը հեռու, լսելով այս  
սրտառուչ խօսքերը երիտասարդի բեր-  
նէն, մի քանի քայլ յառաջանալով նրա  
ըսաւ. Գէորգ, գու հայրասպան ոճրա-  
գործ մը չես, գու թշուառ ընտանիքի  
մը ազատարարն եղար, գիտցի՛ր որ Աստ-  
ուած ալ թողութիւն պիտի տայ այս  
յանցանացդ, գու չպիտի ժառանգես ոճ-  
րագործի անսւնը, մարդիկ գքեղ պիտի  
ճանաչեն արդարադատ բազուկ մը, ա-  
նիրաւին իրաւունք, բարբարոսին մար-  
դասիրութիւն ուսուցանող. հայրդէր  
մեղաւորը և յանցաւորը. գիտցիր որ ձեր  
ապագայ սերունդը մինչեւ յաւիտեան  
անէծքով և նախատինքով պիտի յիշէ  
նրա յիշատակը. գու մի ուսուցիչ ես որ  
կուսուցանես մարդոց որդեսիրութիւն,  
մարդասիրութիւն, արդարութիւն և ի-  
րաւունք. Աստուած էր որ քու բազկացդ  
զօրութիւն տուեաւ որ ամբարտաւան և  
բռնակալ հօր մը եղջիւրները խորտակես  
ու փշրես:

Այսպիս նոյն օրը մի քանի ժամ տեսակցելէ յետոյ, բանտապետը իմաց տըւաւ որ հեռանան . երկու այցելուներն տրտում և տխուր ժամաներով բաժնուեցան, խոստանալով որ դարձեալ պիտի դան տեսակցելու :

## ԺԲ

Երկարատեւ ձմեռնային դառնաշունչ օրերէ յետոյ կուդան գարնան կենսաբեր և հրաշալի օրերը . ամբողջ բնութիւնը կը խայտայ անպատմելի քաղցրութեամբ, գիշերային թանձր խաւարին կը յաջորդէ առաւտօտեան հեշտալի և պայծառ արշալոյսը . մարդոց կեանքի շրջանին մէջ ալ այսպիս օրերու և եղանակներու նման շատ մը փոփոխութիւներ կը լինին, լոյսը կը յաջորդէ խաւարին, լաւը կը յաջորդէ վատին :

Գարնան սկիզբները 1. Պօլսոյ կեդրոնական բանափառքարձակ պարտիզին մէջ, գործաւորներու յատկացեալ պատառուտած կիսամերկ հագուստով, բորիկ ոտներով, մի երիտասարդ կաշխատէր հողագործութեամբ . նորա երեսի խորշու-

ներուն մէջ կը տեսնուէին արտասուաց կաթիլներ : Օրն հեշտալի էր . մանիշակագոյն պարզ երկնքէն գուրս ցոլացող արեգակը մշտապէս կը թափէր իր լուսափայլ և կենսատու ճառագայթներն երկրի բոլոր արարածոց վրայ . հրաշալի բնութիւնը կը խայտար հիանալի քաղցրութեամբ, ամեն տեղ կը տիրէր հրապուրիչ թարմութիւն, ամեն տեղ կը տիրէր անսպառ ուրախութիւն, միայն թէ այդ պարտիզի մէջ եղող գործաւորները ուրախ և զուարժ չէին . նոքա միշտ տըլուր, միշտ ապերջանիկ և թշուառ էին . Մեր նկարագրած ակամայ աշխատող երիտասարդը Գէորգն էր : Նա ձմեռը սաստիկ գժուարութեամբ անցուցած առիւծի նման դուրս ելած էր որդէն, արեւու երես տեսնելու և մաքուր օդ շընչելու համար ընդունած էր այդ հոգի ու մարմին մաշեցնող աշխատութիւնը : Իրեն հետ կային քսանէ աւելի երիտասարդներ որոց մէջ կը գտնուէին միայն երկու հոգի մահմէտական դատապարտեալներ, մնացածներն քրիստոնեայ էին : Կեդրոնական բանափառքարձակ պարտիզով ծաղ-

կեցնելու համար բանտարկեալները կաշ-  
խատցնէին և ժամանակին համեմատ ամեն  
տեսակ կանանչեղջններ առատապէս կը  
մատակարարուէն . ամենէն յաւ տեսակ-  
ները պաշտօնէից և փաշաներու ապա-  
րանները կը զրկուէին , իսկ անպիտան  
տեսակները բանտարկեալներու կը տըր-  
ուէին . Այս թշուառները դատապարտ-  
եալ էին գործելու միշտ , գարնան ըս-  
կիզբէն մինչեւ աշնան վերջերը երեք  
հանգստութիւն չունէին . առանց վար-  
ձատրութեան դառն աշխատութեան են .  
թարկուած , երեկոյեան արեւու հետ կը  
մոնէին իրենց օթեւանը և առաւօտուն  
արշալուսի հետ դարձեալ կենէին պար-  
տիզին մէջ չարչարուելու . այս գործա-  
ւորաց վրայ կը հսկէին մի քանի զինակիր  
բանտալաններ որոնք բարբարոսութեամբ  
կը վարուէին անոնց հետ և չէին թողուր  
վայրկեան մը հանգստանալ . նոքա կը  
ցանէին իրենց աշխատութեամբ , իսկ  
ուրիշները կը հնձէին իրենց աշխատու-  
թեան պտուզը . ահա այսպէս են Թրքաց  
բոլոր գործերը . անոնք ստեղծուած են  
ուրիշներու աշխատութեանց արդիւնքը

վայելել , ուրիշի ստացուածքը իրենց  
կոկորդը անցունել :

Յայտնի է արդէն որ Գէորգ 15 տար-  
ուան բանտարկութեան դատապարտուե-  
ցաւ . 1886 թուականին , Սուլթան Հա-  
միտի ծննդեան տօնին առթով , ինչպէս  
որ սովորութիւն կայ բանտարկելոց եր-  
կար տարիներէն զեղչ մ'ընելու , Գէորգի  
բանտարկութեան պայմանաժամէն ալ 3  
տարի կարճացուցին . ըսել է թէ նա 12  
տարի պիտի մնայ բանտին մէջ . մինչեւ  
հիմա ձիշդ 9 տարի է որ Գէորգ Կ. Պոլ-  
սոյ կեդրոնական բանտին մէջ կը հեծէ .  
ուրեմն երեք տարի եւս ունի . յուսալի  
է որ այդ երեք տարիէն ալ զեղչ մը լինի  
և մօտերս ելնէ բանտէն : Կը խնդրեմ ա-  
մենակարուղ Արարէն որ իմ հայրասպան  
ընկերու ողջ և առողջ գուրս գալով այդ  
կառափնարանէ իրեն հետ անգամ մ'եւս  
տեսակցելու բարեբարդութիւնն ունե-  
նամ , և եթէ առիթը բերէ , մտադիր եմ  
որ մը նրա Հայրասպանի Յիշառակա-  
րանէն հետաքրքրական եղելութիւններ  
քաղելով իր կեանքի վրայ , նուիրեմ  
զայն իմ սիրելի և ընթերցանէր ազգայ-  
նոցս :

## ԾԱՆՈՒՑՈՒՄՆԵՐ

Հետեւեալ գիրքերն կարելի է  
ստանալ Արմենիաի խմբագրատունէն,  
իրենց առջեւ նշանակուած գիներով  
և փոստի ծախքը խմբագրատունէն  
վճարուելով։

Ա. ՇԵ.Ք. կանխիկ չվճարուած՝ գիրք  
չըրկուիր։

ՃՐԱՏԱՐԱԿՈՒԹԻՒՆԵՐ Մ. ՓՈՐԹՈՒԳԱԼԵԱՆ

Ա. ՀԱՅ ԴԻԻՑԱԶՆՈՒՀԻ ՄԲ (սպառած)։  
Բ. ՀԱՅ ԳԻՒՂԱՅԻ (սպառած)։

Գ. ՍԱՂՄՈՍ ԻՄՐԱՅԵԼԻ (Հայաստանի  
ազատութեան ցանկացող մի Հայի  
մաղթանքներն և մտածումներն են  
Սաղմոսի ոճով գրուած)։ 40 սնթմ։

Դ. Ա.ԶՈ.ՏՈՒԹԻՒՆ ՊՈՒՂԱՐԻՈՅ ԵԻ  
ԿԵՆՍԱԳՐՈՒԹԻՒՆՔ ՊՈՒՂԱՐ Ա.ՊԱՏԱՄ-  
ԲԱ.ՊԵՏԱՅ (Պուղար ազգին իր ազա-  
տութիւն ձեռք բերելու համար մէկ  
դարէ ի վեր արած ջանքերի խիստ

Հետաքրքրաշարժ նկարագրութիւնն  
է.) 1 ֆր. 50 սթմ:

Ե. ՀԱՅԱՍՏԱՆԻ ԹՇՈՒԱՌԱՆԵՐԸ . —  
(Հայաստանցիների թշուառութեան  
գլխաւոր աղբիւրներէն մին ելոդ պահ-  
դխտութեան դառն հետեւանքներէ  
մի քանին նկարագրուած են իրական  
կեանքէ առնուած այս փոքրիկ վէպի  
մէջ : ) 1 ֆրանդ 20 սանթիմ.

Զ. ԳԱՄԱՌ ՔԱԹԻՊԱ . — ՃՈՂՈՎՐԴԱԿԱՆ  
ԸՆԹԵՐՑԱՐԱՆ յետ այբուբենն աւարտե-  
լուն . (Մեծանուն հայ բանաստեղծին  
վերջերս գրած ազատաշունչ ընտիր  
ոտանաւորներէն Յը՝ որոնք իւր «Բա-  
նաստեղծութիւններ»ի հաւաքածոյին  
մէջ չեն գտնուիր, առանձինն տետ-  
րակով հրատարակուած են) : Այս  
տետրակէ որի շահը բարեգործական  
մի նպատակի յատկացած է, 50 հա-  
տը մէկ անգամէն գնողին կը տրուի  
50 հատը 2 ֆրանդ 50 սանթիմ, որ  
ըսել է հատը 5 սանթիմ կամ 10 փա-  
րա թրքական :

Է. ԼԻՆՉԻ ՕՐԻՆԻՑ ՏԱՁԿԱՀԱՅԱՍՏԱՆ .  
ՆՈՒՄ . — (Այս տետրակի մէջ ցոյց կը  
տրուի թէ բռնաւորների և ազգա-  
մատնիչ Հայերի գատաստանը ԲՇՆՉպէս  
պէտք է տեսնուի այնպիսի երկիրների  
մէջ ուր օրինաւոր և արդարագատ կա-  
ռավարութիւն չկայ : )

Մէկ օրինակի գինն է 20 սանթիմ.  
20 օրինակը 3 ֆրանդ և 50 սանթիմ :

— Բաֆֆի — ԿԱՅՑԵՐ Ա. Է. Բ. հատորներ.  
(Ազգային առաջնակարգ վիպագիր  
Բաֆֆիի այս գիրք կը ծանօ-  
թացունէ լնթերցողը տաճկական և  
պարսկական Հայաստանի գլխաւոր  
տեղերին հետ, հետաքրքրաշարժ տե-  
ղեկութիւններ կուտայ քուրդերի զա-  
նազան ցեղերի և հայերի գրաւթեան,  
վարքի և բարքի մասին : Նա ցոյց կը  
տայ այն ծրագիր որին պէտք է հե-  
տեւին Հայաստանի մէջ գործել ու -

զողներն։ Մի խօսքով, թէ՛ իբր աղ-  
դային ընտիր վիպասանութիւն և թէ՛  
իբր հայրենասիրական գործունէու-  
թեան վարդապետարան և ծրագիր,  
արժան է որ գտնուի այս գիրք ա-  
մեն հայրենասէր Հայի տուն։ )

Գին Ա. հատորին (թղթակաղմ) 7 ֆր.  
Բ հատորին (թղթակաղմ) 8 ֆրանդ  
և 50 սանթիմ։ Երկու հատորներն  
միասին 15 ֆրանդ։

— Բաֆֆի։ — ՍՈՄՈՒԵԼ ( Բաֆֆիի  
հրատարակած ազգային վէպերի վեր-  
ջինն է այդ որի նիւթը տունուած է  
Դ գարփ Հայերի կեանքէն և որ, բա-  
ցի իւր ներշնչած ազատափրական ըզ-  
դացութներէ, հետաքրքրաշարժ տե-  
ղեկութիւններ կուտայ այն ժամանակի  
Հայերի բարքերին, սովորութիւննե-  
րին և այլնի վրայ, ) 10 ֆր.

— Ծերենց։ — ԵՐԿՈՒԵԲ Թ ԴԱՐՈՒԻ  
(Ազգային անուանի վիպասան Ծերեն-  
ցի գրած այս գիրք ցոյց կուտայ թէ

մահմէտականներն Թ դարին մէջ Հա-  
յաստան արշաւելով ինչ բարբարոսու-  
թիւններ կը գործէին այստեղ, ինչ-  
պէս և կը գործեն այժմնոյն իսկ ժմ  
դարին մէջ։ Երկուինքը իբրեւ օրի-  
նակ ցոյց կուտայ ազգային գործիչ-  
ներին Սասունցի Յովսան անուն մէկը  
որ ի զուր բարձր տեղերէ ազգային  
փրկութեան ակնկալելէ յետոյ, վեր-  
ջապէս ժողովրդին մէջ կը փնտռէ ա-  
զատութեան ոյժը և անով կը յաջողի  
մի քանի յաղթութիւններ տանիլ  
թշնամիններին դէմ։ ) 3 ֆր. և 50 սնթմ.

— Գամառ, Քարիպա։ — ԲԱՆԱՍՏԵՂԾՈՒ-  
ԹԻՒՆՆԵՐ ( Ազգային առաջնակարգ  
բանաստեղծ Ռ. Պատկանեանցի ազա-  
տաշունչ և հրահանդիչ բանաստեղ-  
ծութիւններն կը պարունակէ սկիզբն  
դրուած է հեղինակին պատկերը։ )  
2 ֆրգ։

ՀԱՅՈՅ ՀԱՅՐԵՆԱՍԻՐԱԿԱՆ

ՄԻՈՒԹԵԱՆ

Ա ՀՐԱՏԱՐԱԿՈՒԹԻՒՆ

# ՎԱՐԴԱՊԵՏԱՐԱՆ

ՀԱՅԱՍՏԱՆԻ

ԶԱՏՈՒԹԵԱՆ

« Հայրենասիրական Միութեան »  
հրատարակած այս վարդապետարանի  
մէջ համառօտ կերպով բացատրուած  
է թէ իւրաքանչիւր հայրենասէր Հայ  
ինչ իզձեր պէտք է ունենայ և ինչ  
պարտքեր ունի կատարելու :

Գինն է 20 սանթիմ և կը ծախուի  
Արմենիաի Խմբագրատունը : Մէկ ան-  
գամէն 20 օրինակ գնողը կը վճարէ 3  
ֆրանգ . և 50 սանթիմ միայն , փո-  
խանակ 4 ֆրանգի : Փոստի ծախքը  
կը վճարուի « Հայրենասիրական Միու-  
թեան » կողմէն :

ԳԻՆ 1 ՖՐԱՆԳ

Կարգացէք այս տետրակի վերջ  
նշանակուած գիլքերի ձանուցու մնելն:

Հայաստանի Ազգային գրադարան



NL0429988

31276